


五代史卷五十八

司天考一

嗚呼、五代禮樂文章、吾無取焉、其後世有欲知之者、不可以遺也、作
司天職方考



司天掌日月星辰之象、周天一歲、四時、二十四氣、七十二候、行十日
十二辰、以爲曆、而謹察其變者、以爲占、占者、非常之兆也、以驗吉凶
以求天意、以覺人事、其術藏于有司、曆者、有常之數也、以推寒暑、以
先天道、以勅人事、其法信於天下、術有時而用法、不可一日而差、左
之臺、釐則亂、天人之序、乖百事之時、蓋有國之所重也、然自堯命羲
和、見于書中、星閏餘略存其大法、而三代中間、千有餘歲、遺文曠廢
六經無所述、而孔子之徒、亦未嘗道也、至於後世、其學一出於陰陽
之家、其事則重、其學則末、夫天人之際、遠哉微矣、而使一藝之士、布
算積分、上求數千萬歲之前、必得甲子朔日夜半冬至、而日月五星

皆會于子，謂之上元，以爲曆始。蓋自漢而後，其說始詳。見於世，其源流所自，止於如此。是果堯舜三代之法歟？皆不可得而考矣。然自是以來，曆家之術，雖世多不同，而未始不本於此。五代之初，因唐之故，用崇玄曆。至晉高祖時，司天監馬重績始更造新曆，不復推古上元。甲子冬至七曜之會，而起唐天寶十四載乙未爲上元，用正月雨水爲氣首。初唐建中時，術者曹士爲始變古法，以顯慶五年爲上元，雨水爲歲首，號符天曆。然世謂之小曆，祇行於民間，而重績乃用，以爲法。遂施於朝廷，賜號調元曆。然行之五年，輒差不可用，而復用崇玄曆。周廣順中國子博士王處訥私撰明玄曆，于家民間，又有萬分曆。而蜀有永昌曆，正象曆。南唐有齊政曆。五代之際，曆家可考見者止於此。而調元曆，法既非古，明玄又止藏其家，萬分止行於民間，其法皆不足紀。而永昌正象齊政曆，皆止用於其國，今亦亡不復見。世宗卽位，外伐僭叛，內修法度，端明殿學士王朴通於曆數，乃詔朴撰定

歲餘，朴奏曰：臣聞聖人之作也，在乎知天之變者也。人情之動，則可以言知之；天道之動，則當以數知之。數之爲用也，聖人以之觀天道焉。歲月日時，由斯而成；陰陽寒暑，由斯而節；四方之政，由斯而行。夫爲國家者，履端立極，必體其元；布政考績，必因其歲。禮動樂舉，必正其朔；三農百工，必順其時；五刑九伐，必順其氣。庶務有爲，必從其日月。是以聖人受命，必治曆數。故五紀有常度，庶徵有常應。正朔行之於天下也，自唐之季，凡歷數朝，亂日失天，垂將百載。天之歷數，汨陳而已。陛下順考古道，寅畏上天，咨詢庶官，振舉墜廢。臣雖非能者，敢不奉詔，乃包萬象，以爲法。齊七政，以立元。測圭箭，以候氣。審臍胸，以定朔。明九道，以合宿。校遲疾，以推星。考黃道之斜，正辯天勢之昇降。而交蝕詳焉。夫立天之道，曰陰與陽。陰陽各有數，合則化成矣。陽之策三十六，陰之策二十四。奇偶相命，兩陽二陰，同得七十二。何則？陰陽之數合七十二者，化成之數也。化成則謂之五行之數。五行之得

廢一作

暮數過之者謂之氣盈不及者謂之朔虛至於應變分用無所不通
 故以七十二為經法經者常用之法也百者數之節也隨法進退不
 失舊位故謂之通法以通法進經法得七千二百謂之統法自元入
 經先用此法統曆之諸法也以通法進統法得七十二萬氣朔之下
 收分必盡謂之全率以通法進全率得七千二百萬謂之大率而元
 紀生焉元者歲月日時皆甲子日月五星合在子當盈縮先後之中
 所謂七政齊矣古者植圭於陽城以其近洛也蓋尚嫌其中乃在洛
 之東偏開元十二年遣使天下候影南距林邑北距橫野中得浚儀
 之岳臺應南北弦居地之中大周建國定都於汴樹圭置箭測岳臺
 晷漏以為中數晷漏正則日之所至氣之所應得之矣日月皆有盈
 縮日盈月縮則後中而朔月盈日縮則先中而朔自古朧朧之法率
 皆平行之數入曆既有前次而又衰稍不倫皇極舊術則迂廻而難
 用降及諸曆則疎遠而多失今以月離朧朧隨曆校定日躔朧朧臨

用加減所得者入離定日也一日之中分為九限每限損益衰稍有
 倫朧朧之法可謂審矣赤道者天之絃帶也其勢圓而平紀宿度之
 常數焉黃道者日軌也其半在赤道內半在赤道外去極二十四度
 當與赤道近則其勢斜當與赤道遠則其勢直當斜則日行宜遲當
 直則日行宜速故二分前後加其度二至前後減其度九道者月軌
 也其半在黃道內半在黃道外去極遠六度出黃道謂之正交入黃
 道謂之中交若正交在秋分之宿中交在春分之宿則比黃道益斜
 若正交在春分之宿中交在秋分之宿則比黃道反直若正交中交
 在二至之宿則其勢差斜故校去二至二分遠近以考斜正乃得加
 減之數自古雖有九道之說蓋亦知而未詳徒有祖述之文而無推
 步之用今以黃道一周分為八節一節之中分為九道盡七十二道
 而使日月無所隱其斜正之勢焉九道之法可謂明矣星之行也近
 日而疾遠日而遲去日極遠勢盡而留自古諸曆分段失實隆降無

準今日行分尚多次日便留自留而退惟用平行仍以入段行度爲入曆之數皆非本理遂至乖戾今校逐日行分積以爲變段然後自疾而漸遲勢盡而留自留而行亦積微而後多別立諸段變曆以推變差俾諸段變差際會相合星之遲疾可得而知之矣自古相傳皆謂去交十五度以下則日月有蝕殊不知日月之相掩與闕虛之所射其理有異今以日月徑度之大小校去交之遠近以黃道之斜正天勢之昇降度仰視旁視之分數則交虧得其實矣臣考前世無食神首尾之文近自司天下祝小術不能舉其大體遂爲等接之法蓋從假用以求徑捷於是乎交有逆行之數後學者不能詳知因言曆有九曜以爲注曆之常式今並削而去之謹以步日步月步星步發欽爲四篇合爲曆經一卷曆十一卷章三卷顯德三年七政細行曆一卷以爲欽天曆昔在帝堯欽若昊天陛下考曆象日月星辰唐堯之道也天道玄遠非微臣之所盡知世宗嘉之詔司天監用之以明

年正月朔日爲始

顯德欽天曆

演紀上元甲子距今顯德三年丙辰積七千二百六十九萬八千四百五十三算外

欽天統法七千二百 欽天經法七十二 欽天通法一百

欽天步日躔術

歲率二百六十二萬九千七百六十 四十

軌率二百六十二萬九千八百四十四 八十

朔率二十一萬二千六百二十 二十八

歲策三百六十五 一千七百六十 四十

軌策三百六十五 一千八百四十四 八十

歲中一百八十二 四千四百八十 二十

軌中一百八十二 四千五百二十二 四十

朔策二十九 二千八百二十 二十八

氣策一十五 一千五百七十三 三十五

象策七 一千七百五十五 七

周紀六十 歲差八十四 四十

辰則六百 八刻二十四分

赤道宿次

斗二十六度牛八度女十二度虛十一度少危十七度室十六度璧九度

北方七宿九十八度少

奎十六度婁十二度胃十四度昂十一度畢十七度觜一度參十一度一作參十一是

西方七宿八十一度

井三十三度鬼二度柳十五度星七度張十八度翼十八度軫十七度

度

南方七宿一百一十一度

角十二度亢九度氏十五度房五度心五度尾十八度箕十一度 東方七宿七十五度

中節

置歲率以演紀上元距所求積年乘之為氣積統法而一為日及置紀去之命甲子算外即天正中氣日辰及分秒也以氣策累加之秒盈通法從分分盈統法從日日盈周紀去之即各得次氣日辰及分秒也

朔弦望

置氣積以朔率去之不盡為閏餘用減氣積為朔積統法而一為日盈周紀去之命甲子算外即天正常朔日辰及分秒也以象策累加之即各得弦望及次朔也

日躔入曆

置歲率以閏餘減之統法而一為日歲中以下為盈以上減去歲中為縮即天正常朔加時所入也累加象策滿歲中去之盈縮互命即四象所入也

日躔朧胸

置加時入曆分秒以其日損益率乘之統法而一損益其日朧胸數為日躔朧胸定數

赤道日度

置氣積以軌率去之餘統法而一為度命赤道虛入算外即天正中氣加時日躔赤道宿度及分秒也加歲中以次命之即夏至之宿也
黃道宿次

置二至日躔赤道宿度距前後每五度為限初率入每限減一盡九限末率空乃一度少彊亦限率空其半當四立之宿自後亦五度為

限初率空每限增一盡九限末率八般二分之宿自二分至二至亦如之各以限率乘所入限度為分經法而一為度二至前後各九限以減二分前後各九限以加赤道宿為黃道宿及分就其分為少大半之數

黃道日度

置天正中氣加時日躔赤道宿度各與所入限率相乘皆以統法通之以所入限率乘其分以從之經法而一為分盈統法為度用減赤道所躔即天正中氣加時日躔黃道宿度及分也加歲中以黃道宿次命之即夏至加時日度及分也

午中日躔

置二至分減去半法為午後分不足反減為午前分以乘初日躔分經法而一午前以加午後以減加時黃道日度為午中日度及分也各以次日躔分加之滿統法從度依宿次命之即次日午中日躔也

午中日躔入曆

置天正中氣午前分便爲午中入盈曆日分其在午後者以午後分減歲中爲午中入縮曆日分累加一日滿歲中卽去之盈縮互命爲每日午中入曆也

岳臺中晷

置午中入曆分以其日損益率乘之加統法而一爲分分十爲寸用損益其下中晷數爲定數也

晨昏分

各置入曆分以其日損益率乘之加統法而一用損益其下晨分卽所求晨定分也用損益減其下昏分卽所求昏定分也

日出入辰刻

置晨昏分以一百八十加晨減昏爲日出入分各以辰則除爲辰數餘滿經法爲刻命辰數于正算外則日出入辰刻也

晝夜刻

置日入分以日出分減之爲晝分用減統法爲夜分各滿經法爲晝夜刻

五夜辰刻

置昏分以辰則除爲辰數經法除爲刻數命辰數于正算外卽甲夜辰刻也倍晨分五約之爲更用分又五約之爲籌用分用累加甲夜滿辰則爲辰滿經法爲刻卽各得五夜辰刻也

昏曉中星

置昏分減去半統用乘軌率統法除之爲距中分盈統法爲度加午中日躔爲昏中星減之爲曉中星

赤道內外數

置入曆分以其日損益率乘之加統法而一用損益其下內外數如不足損則反損之內外互命卽得所求赤道內外定數也

九服距軌數

置距岳臺南北里數以三百六十通之為步一千七百五十六除之
用北加南減二千五百一十三為其地戴中數以赤道內外定數內
減外加之即九服距軌數也

九服中畧

置距軌數二十五乘之一百三十七除為天用分置之以二十二乘
六約之用減四千為畧法又以天用分自相乘如畧法而一為地用
分相從為畧分分十為寸即得其地中畧也

九服刻漏

經法通軌中而半之用自相乘如其地戴中數而一以乘二百六十
三經法除之為漏法通軌中於上置赤道內外數於下以下減上餘
用乘之盈漏法為漏分赤道內以減赤道外以加一千六百二十為
其地晨分減統法為昏分置晨分各如岳臺術入之即得其地日出

入辰刻五夜

辰刻昏曉中星也

欽天步月離術

離率一十九萬八千三百九十三 九

交率一十九萬五千九百二十七 九十七 五十六

離策二十七 三千九百九十三 九

交策二十七 一千五百二十七 九十七 五十六

望策一十四 五千五百 十 一十四

交中一十三 四千三百六十三 九十八 七十八

離朔一 七千二十七 一十九

交朔二 二千二百九十二 三十 四十四

中準一千七百三十六

中限四千七百八十

平離九百六十三

程節八百

月離入曆

置朔積以離率去之餘滿統法為日即天正常朔加時入曆也累加象策盈離策去之即弦望及次朔入曆也

月離朏朧

置入曆分以日躔朏朧定數朏減朧加之程節除之為限數餘乘所入限損益率程節而一用損益其限朏朧為定數

朔弦望定日

各以日躔月離朏朧定數朏減朧加之朔弦望常分為定日定朔加時日入後則進一日有交見初則不進弦望加時日未出則退一日月雖出有交見初亦加之元日有交則消息定之定朔與後朔干同者大不同者小無中氣者為閏

朔望加時日度

各置日躔入曆以日躔月離朏朧定數朏減朧加之為定朔加時入曆以曆分乘其日損益率統法而一損益其下盈縮數為定數直定朔曆分通法約之以定數盈加縮減之各命以冬至之宿算外即所求也

日離入交

置朔積以交率去之餘滿統法為日即天正常朔入交泛日也以望策累加之盈交策去之即望及次朔所入也各以日躔朏朧定數朏減朧加之為入交常日置月離朏朧定數經法乘之平離而一朏減朧加常分即入交定日也

黃道正交月度

經統法通朔交定日以二百五十四乘之十九而一復以統法除為入交度用減其朔加時日度即朔前月離正交黃道宿度也

九道宿次

月離出入黃道六度變從八節斜正不同故月有九道黃道八節各
 有九限若正交起八節後第一限之宿為月行其節第一道起第一
 限之宿為月行其節第二道即所起限為正交後第一限初率八
 每限減一盡九限末率空又九限初率空每限增一末率八般半交
 之宿自後亦九限初率八每限減一末率空又九限初率空每限增
 一末率八復與黃道相會謂之中交自中交至正交亦如之各置所
 入限度以限率乘之為泛差其正交中交前後各九限以距二至之
 宿限數乘之半交前後各九限以距二分之宿限數乘之皆如經法
 而一為黃道差在冬至之宿後正交前後各九限為減中交前後各
 九限為加在夏至之宿後正交前後各九限為加中交前後各九限
 為減凡月正交後出黃道外中交後入黃道內其半交前後各九限
 在春分之宿後出黃道外秋分之宿後入黃道內皆以差為加在春

分之宿後入黃道內秋分之宿後出黃道外皆以差為減四約泛差
 以黃道差減之為赤道差正交中交前後各九限皆以差為加半交
 前後各九限皆以差為減以黃赤二差加減黃道為九道宿次就其
 分為少太半之數八節各九道七十二道周焉

九道正交月度

置月離正交黃道宿度各以所入限率乘之亦乘其分經法約之為
 泛差用求黃赤二差以加減之即月離正交九道宿度也

九道朔月度

置月離正交九道宿度以入交度加之命以九道宿次即其朔加時
 月離九道宿度也

九道望月度

置朔望加時日相距之度以軌中加之為加時象積用加其朔九道
 月度命以其道宿次即所求也自望推朔亦如之

月離下中入曆

置朔望月離入曆加半統減去定分各以日躔月離朧朧定數朧減朧加之即所求也

晨昏月度

置其日晨昏分以定分減之為前不足返減為後用乘其日離程統法而一滿經法為度為晨昏前後度前加後減加時月為晨月度

晨昏象積

置加時象積以前象前後度前減後加又以後象前後度前加後減之即所求也

每日晨昏月度

累計距後象離度以減晨昏象積為加不足反減之為減以距後象日數除之用加減每日離度為定度累加晨昏月度命以九道宿次即所求也

月去黃道度

置入交定日交中以下月行陽道以上去之月行陰道皆以經法通之用減九百八十餘以乘之五百五十六而一為分滿經法為度行陽道在黃道外行陰道在黃道內即所求月去黃道內外度也

日月食限

置定交行陰陽道日半交中以下為交後以上用減交中為交前皆以統法通之為距交分朔視距交分陽道四千二百一十九陰道一萬三百八十三以下日入食限望視距交分陰陽道皆六千九百九十五以下月入食限

日月食甚加時定分

置朔定分半統以上以半統減之半統以下用減半統為距午分十一乘之經法而一半統以下以減半統以上以加朔定而為日食加時定分望以其日晨分與一千六百二十相減餘以二百四十五乘

之三百一十三而一用減二百四十五餘以損益望定分爲月食加時定分

日食常準

置中準與其日赤道內外數相乘二千五百一十三除爲黃道出入食差以距午分減半晝分以乘之半晝分而一赤道內以減赤道外以加中準爲日食常準

日食定準

置日躔入曆以經法通之三千二百八十七以下用減三千二百八十七爲二至後以上減去三千二百八十七爲二分前六千五百七十四以上用減九千八百六十一爲二分後以上減去九千八百六十一爲二至前各三約之二至前後用減二分前後用加二千七百七十二爲黃道斜正食差以距午分乘之半晝分而一以加常準爲定準

日食分

以定準加中限爲陰道定準減中限爲陽道定限不足減者反減之爲限外分視陰道距交分定準以上定限以下爲陰道食即置定限以距交分減之爲距食分定準以下雖曰陰道亦爲陽道食即加陽道定限爲距食分其有限外分者即減去限外分爲距食分不足減者不食其陰道距交分定限以下爲入定食限即用減陽道定限爲距食分各置距食分皆以四百七十八除爲日食之大分餘爲小分命大分以十爲限命小分以半及彊弱

月食分

視距交分中準以下皆既以上用減食限爲距食分置之以五百二十六除爲月食之大分餘爲小分命大分以十爲限命小分以半及彊弱

日食泛用分

置距食分一千九百一十二以上用減四千七百八十餘自相乘六萬三千二百七十二除之以減六百四十七為泛用分九百五十六以上用減一千九百一十二餘以通法乘之七百三十五而一以減五百一十七為泛用分九百五十六以上以距食分自相乘二千三百六十二除之用減三百八十七為泛用分

月食泛用分

置距食分二千一百四以上用減五千二百六十餘自相乘六萬九千一百六十九除之以減七百一十一為泛用分一千五十二以上用減二千一百四十餘七除之以減五百六十七為泛用分一千五十二以下以距食分減之餘自相乘二千六百五十四而一用減四百一十七為泛用分

日月初末加時定分

各置泛用分以平離乘之其日離程而一為定用分以減朔望定分為虧初加之為復末加時常分如食甚術推之得虧初復末定分置初甚末定分各以辰則除之為辰經法除之為刻即初甚末之辰刻也

虧食所起

日食起虧自西月起虧自東其食分少者月行陽道則日食偏南月食偏北陰道則日食偏北月食偏南此常數也立春後立夏前食分多則日食偏南月食偏北立秋後立冬前食分多則日食偏北月食偏南此黃道斜正也陽道交後陰道交前食分多則日食偏北月食偏南此九道斜正也黃道比常數所偏差少九道比黃道所偏又四分之一皆據午而言之若午前午後一理偏南一理偏北及消息所食分數多少以定初甚末之方即各得其所也

帶食出入分

視其日出入分在虧初定分已上復未定分已下即帶食出入食甚在出入分已下者以出入分減復未定分為帶食差食甚在出入分已上者以虧初定分減出入分為帶食差各置帶食差以距食分乘之定用分而日以四百七十八月以五百二十六除為帶食之天分餘為小分食入更籌

各置初甚未定分晨分已下以昏分加之昏分已上以昏分減之皆更用分而一為更數皆籌用分而一為籌數

欽天步五星

歲星

周率二百八十七萬一千九百七十六 六

變率二十四萬二千二百一十五 六十六

曆率二百六十二萬九千九百六十六 七十八

周策三百九十八 六千三百七十六 六

曆中一百八十二 四千四百八十 八十九

變段

變日

變度

變曆

晨見

一十七

三七三

二四二

順疾

九十

一十六五六十

一十一三十一

順遲

二十五

二九

一二九

前留

二十六三十三

退遲

一十四

一二一

空八二

退疾

二十七

四三八三十

一七三

退疾

二十七

四三八三十

一七三

退遲

一十四

一二一

空八二

後留

二十六三十三

順遲

二十五

二九

一二九

順疾

九十

一十六六十一

一十一三十一

夕伏 一十七 三十三 二四

熒惑

周率五百六十一萬五千四百二十二 一十一

變率二百九十八萬五千六百六十一 七十一

曆率二百六十二萬九千七百六十一 空

周策七百七十九 六千六百二十二 一十一

曆中一百八十二 四千四百八十八 空

變段 變日 變度 變曆

晨見 七十三 五十三 五十八

順疾 七十三 五十一 四十八

次疾 七十一 四十六 四十四

次遲 七十一 四十五 四十二

順遲 六十二 一十九 一十八

前留 八十九

退遲 一十 一八 空

退疾 二十一 七 二

退遲 二十一 七 二

後留 八十九 空

順遲 六十一 一十九 一十八

次遲 七十一 四十五 四十二

次疾 七十一 四十六 四十四

順疾 七十三 五十一 四十八

夕伏 七十三 五十三 五十八

鎮星

周率二百七十二萬二千一百七十六 九十

變率十九萬二千四百一十六	五十
曆率二百六十二萬九千七百五十九	八十
周策三百七十八	五百七十六
曆中一百八十二	四千四百七十九
九十	

變段

變日

變度

變曆

晨見

一十九

二七

一四二

順疾

六十五

六三

三五

順遲

一十九

空六

空二

前留

三十七

空三

空五

退遲

一十六

空四

空一

退疾

三十三

二五

空六

退遲

三十三

二五

空六

退遲

一十六

空三

空四

後留

三十七

順遲

一十九

空六

空三

順疾

六十五

六三

三五

夕伏

一十九

一七

一四

太白

周率四百二十萬四千一百四十三 九十六

變率四百二十萬四千一百四十三 九十六

曆率二百六十二萬九千七百五十九 五十六

周策五百八十三 六千五百四十三 九十六

曆中一百八十二 四千四百七十五 二十八

變段

變日

變度

變曆

夕見

四十二

五十三

五十一

順疾

九十六

一百二十一

次疾	七十三	八十三	七十七
次遲	三十三	三十四	三十二
順遲	二十四	一十一	一十一
前留	六 _九 六 _十	一十一	一十一
退遲	四	一	空
退疾	六	三	一
夕伏	七	四	一
晨見	七	四	一
退疾	六	三	一
退遲	四	一	空
後留	六 _九 六 _十	一	一
順遲	二十四	一十六	一十一
次遲	三十三	三十四	三十二

十二作十二

次疾	七十三	八十三	七十七
順疾	九十六	一百二十一	一百二十六
晨伏	四十二	五十三	五十一
辰星			
周率八十三萬四千三百三十五	五十二		
變率八十三萬四千三百三十五	五十二		
曆率二百六十二萬九千七百六十四	四十四		
周策一百一十五	六千三百三十五	五十二	
曆中一百八十二	四千四百八十八	二十二	
變段	變日	變度	變曆
夕見	一十七	三十四	二十九
順疾	一十七	一十八	一十六
順遲	一十六	一十一	一十一

二十四作三十四

前留 二六十八

夕伏 一十一 六 二

晨覓 一十一 六 二

後留 二六十八

順遲 一十六_三四_十 一十一_三四_十 一十一_三四_十

順疾 一十一 一十八_四二_十 一十六_四

晨伏 一十七 三十四_一 二十九_五十_四

中日中星

置氣積以其星周率除之為周數不盡為天正中氣積前合用減歲率為前年天正中氣後合如不足減則加歲率以減之為次前年天正中氣後合各以統法約之為日為度則所求平合中日中星也置中日以逐段變日累加之即逐段中日也置中星以逐段變度順加退減之即得逐段中星金水夕伏晨見皆退變也

入曆

置變率以周數乘之以曆率去之餘滿統法為度曆中以下為先以上減去曆中為後即所求平合入曆以逐段變曆累加之得逐段入曆也

先後定數

置入曆分以其度損益率乘之經法而一用損益其下先後數即所求也

當日定星

置中日中星各以先後定數先加後減之留用前段先後數太白順伏見及前順疾次疾後次遲次疾辰星順伏見及前疾後遲並先減後加之即各為其段常日定星置定星以其年天正中氣日躔黃道宿次加而命之得逐段末日加時宿度也

盈縮定數

置常日如歲中以下為在盈以上減去歲中餘為在縮即常日入盈縮曆也置曆分以其日損益率乘之經法而一用損益其下盈縮數即得所求也

定日

置常日以盈縮定數盈減縮加之為定日以其年天正中氣加而命之即逐段末日加時日辰也

入中節

置定日以氣策除之命起冬至即所入氣日數也

平行分

置定日以前段定日減之為日率定星與前段定星相減為度率通度率以經法乘之通日率而一為平行分

初末行分

近伏段與伏段平行分合而半之為其段近伏行分以平行分減之

餘減平行分為其段遠伏行分近留段近留行分空倍平行分為其段遠留行分其不近伏留段皆以順行二段平行分合而半之為前段末日後段初日行分各與其段平行分相減平行分多則加平行分平行分少則減平行分即前段初日後段末日行分其不近伏留段退行則以遲段近疾行分為疾段近遲行分所得與平行分相減平行分多則加之少則減之皆為遠遲行分也

初行夜半宿次

置經法以前段末日加時分減之餘乘前段末日行分經法而一用順加退減前段末日加時宿度為其段初行昏後夜半宿度也

每日行分

初末行分相減為差率累計其段初行昏後夜半距後段初行昏後夜半日數除之為日差半日差以減多加少為其段初末定行分置初定行分用日差末多則累加末少則累減為每日行分以每日行

分順加退減初行昏後夜半宿度為每日昏後夜半星所至宿度也
先定日昏後夜半宿次

自初日累計距所求日數以乘其段日差末多用加末少用減初日
行分為其日行分合初日而半之以所累計日乘之用順加退減其
段初行昏後夜半宿次即所求也

欽天步發斂術

候策五 五百二十四 四十五

卦策六 六百二十九 三十四

外策三 三百一十四 六十七

維策一十二 一千二百五十八 六十八

氣盈一千五百七十三 三十五

朔虛三千三百九十九 七十二

氣候圖

冬至十一月中 蚯蚓結 麋角解 水泉動

小寒十二月份 雁北鄉 鵲始巢 雉始雊

大寒十二月中 雞始乳 鷲鳥厲疾 水澤腹堅

立春正月份 東風解凍 蟄蟲始振 魚上冰

雨水正月中 獺祭魚 鴻雁來 草木萌動

驚蟄二月份 桃始華 倉庚鳴 鷹化為鳩

春分二月中 玄鳥至 雷乃發聲 始電

清明三月份 桐始華 田鼠化為鴽 虹始見

穀雨三月中 萍始生 鳴鳩拂其羽 戴勝降於桑

立夏四月份 蜩始鳴 蚯蚓出 王瓜生

小滿四月中 苦菜秀 靡草死 小暑至

芒種五月份 螳螂生 鶡始鳴 反舌無聲

夏至五月中 鹿角解 蜩始鳴 半夏生

小暑六月節	溫風至	蟋蟀居壁	鷹乃學習
大暑六月中	腐草為螢	土潤溽暑	大雨時行
立秋七月節	涼風至	白露降	寒蟬鳴
處暑七月中	鷹祭鳥	天地始肅	禾乃登
白露八月節	鴻雁來	玄鳥歸	羣鳥養羞
秋分八月中	雷乃收聲	蟄蟲坯戶	水始涸
寒露九月節	鴻雁來賓	雀入大水為蛤	菊有黃華
霜降九月中	豺祭獸	草木黃落	蟄蟲咸俯
立冬十月節	水始冰	地始凍	雉入水為蜃
小雪十月中	虹藏不見	天氣上騰地氣下降	閉塞成冬
大雪十一月節	鶡鴠不鳴	虎始交	荔挺出
冬至坎初六	公中孚	辟復	候屯內

爻象圖

小寒坎九二	候屯外	大夫謙	卿睽
大寒坎六三	公升	辟臨	候小過內
立春坎六四	候小過外	大夫蒙	卿益
雨水坎九五	公漸	辟泰	候需內
驚蟄坎上六	候需外	大夫隨	卿晉
春分震初九	公解	辟大壯	候豫內
清明震六二	候豫外	大夫訟	卿蠱
穀雨震六三	公革	辟夬	候旅內
立夏震九四	候旅外	大夫師	卿比
小滿震六五	公小畜	辟乾	候大有內
芒種震上六	候大有外	大夫家人	卿井
夏至離初九	公咸	辟姤	候鼎內
小暑離六二	候鼎外	大夫豐	卿渙

大暑離九三 公履 辟遯 侯恒內

立秋離九四 侯恒外 大夫節 卿同人

處暑離六五 公損 辟否 侯巽內

白露離上九 侯巽外 大夫萃 卿大畜

秋分兌初九 公賁 辟觀 侯歸妹內

寒露兌九二 侯歸妹外 大夫无妄 卿明夷

霜降兌六三 公困 辟剝 侯艮內

立冬兌九四 侯艮外 大夫既濟 卿噬嗑

小雪兌九五 公大過 辟坤 侯未濟內

大雪兌上六 侯未濟外 大夫蹇 卿頤

七十二候

各置中節即初候也，以候策累加之，即次候也。
六十四卦

置中氣即公卦也，以卦策累加之，即次卦也。置候卦以外策加之，即外卦也。

五行用事

置四立之節而命之，即春木夏火秋金冬水用事之初也。置四季之節各以維策加之，即土用事。

沒日

中節分五千六百二十六秒六十五已上者，用減統法為有沒分。通氣策以乘之，氣盈而一滿，統法為日，用加其氣而命之，即所求沒日也。

減日

常朔分朔虛已下者為減分，以朔率乘之，朔虛而一盈，統法為日用加其朔而命之，即所求減日也。

右朴所撰欽天曆經四篇，舊史亡其步發，欽一篇而在者三篇，簡略

不完不足爲法。朴曆世既罕傳，予嘗問於著作佐郎劉義叟。義叟爲予求得其本經，然後朴之曆大備。義叟好學，知書史，尤通於星曆。嘗謂予曰：前世造曆者，其法不同而多差。至唐一行始以天地之中數作大衍曆，最爲精密。後世善治曆者，皆用其法，惟寫分擬數而已。至朴亦能自爲一家。朴之曆法，總日躔差爲盈縮，二曆分月離爲遲疾，二百四十八限以考衰殺之漸，以審朧朧而朔望正矣。校赤道九限更其率數，以步黃道，使日躔有常度，分黃道八節，辨其內外，以揆九道，使月行如循環，而二曜協矣。觀天勢之升降，察軌道之斜正，以制食差而交會密矣。測岳臺之中晷，以辨二至之日夜，而軌漏實矣。推星行之逆順，伏留使舒，壅有漸，而五緯齊矣。然不能宏深簡易，而徑急是取，至其所長，雖聖人出不能廢也。義叟之言，蓋如此。覽者得以考焉。

五代史卷第五十八

五代史卷第五十九

司天考二

昔孔子作春秋而天人備，予述本紀書人而不書天，予何敢異於聖人哉！其人雖異，其意一也。自堯舜三代以來，莫不稱天以舉事。孔子刪詩書，不去也。蓋聖人不絕天於人，亦不以天參人。絕天於人，則天道廢，以天參人，則人事惑。故常存而不究也。春秋雖書日食星變之類，孔子未嘗道其所以然者。故其弟子之徒，莫得有所述於後世也。然則天果與於人乎？果不與於人乎？曰：天吾不知，質諸聖人之言可也。易曰：天道虧盈而益謙，地道變盈而流謙，鬼神害盈而福謙，人道惡盈而好謙。此聖人極論天人之際，最詳而明者也。其於天地鬼神，以不可知爲言，其可知者人而已。夫日中則昃，盛衰必復，天吾不知，吾見其虧盈於物者矣。草木之成者變而衰落之物，之下者進而流行之地，吾不知，吾見其變流於物者矣。人之貪滿者多禍，其守約者

多福鬼神吾不知吾見人之禍福者矣天地鬼神不可知其心則因其著於物者以測之故據其迹之可見者以爲言曰虧益曰變流曰害福若人則可知者故直言其情曰好惡其知與不知異辭也參而會之與人無以異也其果與於人乎不與於人乎則所不知也以其不可知故常尊而遠之以其與人無所異也則修吾人事而已人事者天意也書曰天視自我民視天聽自我民聽未有人心悅於下而天意怒於上者未有人理逆於下而天道順於上者然則王者君天下子生民布德行政以順人心是之謂奉天至於三辰五星常動而不息不能無盈縮差忒之變而占之有中不中不可以爲常者有司之事也本紀所述人君行事詳矣其興亡治亂可以見至於三辰五星逆順變見有司之所占者故以其官誌之以備司天之所考嗚呼聖人既沒而異端起自秦漢以來學者惑於災異矣天文五行之說不勝其繁也子之所述不得不異乎春秋也考者可以知焉

開平二年夏四月辛丑熒惑犯上將甲寅地震四年十二月庚午月有食之乾化元年春正月丙戌朔日有食之五月客星犯帝座二年正月丙申熒惑犯房第二星戊申月犯心大星四月甲寅月掩心大星壬申彗出于張甲戌彗出靈臺同光元年十月辛未朔日有食之二年六月甲申衆星交流八月戊子熒惑犯星十一月丁巳地震三年三月丙申熒惑犯上相戊申月有食之四月癸亥朔日有食之甲子熒惑犯左執法六月甲子太白晝見丙寅歲犯右執法己巳太白晝見庚寅衆星流自二更盡三更而止辛卯衆小星流于西南九月甲辰月有食之丁未天狗墮有聲如雷野雉皆雊丙辰太白歲相犯十一月甲寅地震天成元年三月惡星入天庫流星犯天棓四月庚戌金犯積尸六月乙未衆小星交流七月己未月犯太白庚申太白晝見乙丑月入南斗魁八月乙酉朔日有食之癸卯太白犯心大星乙巳月犯五諸侯辛亥熒惑犯上將九月丁巳月犯心大星己巳月

吳縝曰
司天考
書星皆
謂之歲
鎮熒惑
太白辰
星然于
太白辰

犯昂庚午熒惑犯右執法己卯熒惑犯左執法十月戊子熒惑犯上相己丑至于庚子日月赤而無光丙午月掩左執法十一月丁丑月暈而火木戊寅月犯金木土十二月戊戌熒惑犯氐乙巳月掩庶子二年正月甲戌熒惑歲相犯二月辛卯熒惑犯鍵閉三月戊午月掩鬼庚申眾小星流于西北己巳熒惑犯上相乙亥月入羽林四月丁亥月犯右執法癸卯月入羽林六月辛丑熒惑犯房八月己卯朔日有食之庚子月犯五諸侯九月壬子歲犯房庚申月入羽林壬申月犯上將十月壬午月犯五諸侯癸未地震十一月乙卯月入羽林辛未地震壬申地震十二月癸未地震三年春正月壬申金火合于奎二月丁丑朔日有食之四月丁酉月犯五諸侯五月丁巳月掩房距星六月乙酉月掩心庶子癸巳月入羽林自正月至于是月宗人宗正搖不止七月乙卯月入南斗魁閏八月癸卯朔熒惑犯上將戊申月犯南斗乙卯熒惑犯右執法庚戌太白犯右執法九月庚辰土木

星名異
乎其別
有意義
或史之
駁文

合于箕辛巳金火合于軫十月庚午彗出西南十一月戊子月掩軒轅大星乙未太白犯鎮月掩房十二月壬寅朔熒惑犯房金木相犯于斗乙卯月有食之四年正月癸巳月入南斗魁二月辛酉月及火土合于斗三月壬辰歲犯牛六月癸丑月有食之既七月丁丑月入南斗九月丙子熒惑入哭星十二月庚戌月有食之既長興元年六月癸巳朔日有食之乙卯太白犯天鐮八月己亥月犯南斗乙卯月犯積尸九月辛酉朔眾小星交流而隕十一月壬戌熒惑犯氐十二月丙辰熒惑犯天江二年正月乙亥太白犯羽林五月癸亥太白晝見閏五月乙巳歲晝見六月壬午地震八月丁巳辰犯端門九月丙戌眾星交流丁亥眾星交流而殞戊子太白晝見丁未雷十一月甲申朔日有食之丙戌太白犯鍵三年四月庚辰熒惑犯積尸九月庚寅太白犯哭星十月壬申太白晝見十一月己亥太白犯壁壘四年五月癸卯太白晝見六月庚午眾星交流六月乙亥朔眾星交流九

月辛巳太白犯右執法乙未雷應順元年二月丁酉衆星流于西北
四月戊寅白虹貫日。是月改元清泰。清泰元年五月己未太白晝見
六月甲戌太白犯右執法九月辛丑衆星交流壬寅雨雹于京師冬
十一月丁未彗出虛危掃天壘及哭星天福元年三月壬子熒惑犯
積尸二年正月乙卯朔日有食之七月丙寅月有食之十二月己卯
朔日有白虹二三年三月壬子日有白虹二五月壬子月犯上將四
年四月辛巳太白犯東井北轅甲午太白犯五諸侯五月丁未太白
犯輿鬼中星七月庚子朔日有食之九月癸未月掩畢五年十一月
丁丑月有食之六年八月辛卯太白犯軒轅九月己卯熒惑犯上將
壬子彗出于西掃天市垣八年四月戊申朔日有食之八月丙子熒
惑犯右掖十月庚戌彗出東方丙辰熒惑犯進賢十一月庚子月犯
房開運元年二月辛亥日有白虹二壬戌太白犯昴己巳熒惑犯天
鑰三月戊子月有食之四月丁巳太白犯五諸侯七月庚辰月犯熒

惑壬午月入南斗甲申太白犯東井八月甲辰熒惑入南斗九月庚
午朔日有食之丙子月入南斗乙酉月食昴丙戌月有食之庚寅月
犯五諸侯十月癸卯月入南斗十一月辛巳月犯昴十二月癸丑太
白犯辰二年七月乙未朔月犯角壬寅月犯心前大星庚戌歲犯井
鉞八月甲子朔日有食之甲戌歲犯東井九月己酉月犯昴甲寅太
白犯南斗魁十一月甲午朔太白犯哭星癸丑月掩角距星戊午月
犯心後星三年二月壬戌朔日有食之天福十二年四月丙子太白
晝見十月己丑太白犯元距星十一月壬子雨木冰辛酉雨水冰壬
戌月犯昴癸酉雨木冰乙亥月掩心大星己卯月犯南斗十二月乙
未月有食之乾祐元年四月甲午月犯南斗六月戊寅朔日有蝕之
乙未月入南斗七月甲寅月掩心庶子星八月乙酉鎮犯太微西垣
戊戌歲犯右執法九月丁卯月掩鬼十月丁丑歲犯左執法二年四
月壬午太白晝見六月癸酉朔日有食之壬午月犯心丙戌月犯天

關八月乙亥月犯房次將九月壬寅太白犯右執法庚戌太白犯鎮
辛酉鎮犯右執法丁卯太白犯歲鎮自元年八月己丑入太微垣犯
上將執法內屏謁者勾已往來至是歲十一月辛亥而出四百四十
三日甲寅月犯昴三年二月甲戌月犯昴六月乙卯鎮犯左掖七月
甲申熒惑犯司怪八月癸卯太白犯房庚戌太白犯心大星十月辛
酉月犯心大星太白犯木十一月甲子朔日有食之廣順元年二月
丁巳歲犯咸池己未熒惑犯五諸侯三月甲子歲守心己卯熒惑犯
鬼壬午熒惑犯天戶四月甲午歲犯鈎鈴二年二月庚寅太白經天
四月丙戌朔日有食之七月乙丑熒惑犯井鉞八月乙未熒惑犯天
鐮九月辛酉熒惑犯鬼庚辰太白掩右執法十月壬辰太白犯進賢
三年四月乙丑熒惑犯靈臺五月辛巳熒惑犯上將丙申熒惑犯右
執法七月乙酉月犯房十二月戊申雨水冰顯德元年正月庚寅有
大星墜有聲如雷牛馬皆逸京城以爲曉鼓皆伐鼓以應之三年正

月壬戌有星孛于參十一月庚午白虹貫日癸酉月有食之
五代亂世文字不完而史官所記亦有詳略其日月五星之變大者
如此至於氣稜之象出沒銷散不常尤難占據而五代之際日有冠
珥環暈縷紉負抱戴履背氣十日之中常七八其繁不可以勝書而
背氣尤多天福八年正月丙戌黃霧四塞九年正月乙未大霧中二
白虹相偶四月庚戌大霧中有蒼白二虹廣順元年十一月甲子白
虹竟天此其尤異者也至于吳火出楊林江水中闔天雨豆之類
皆非中國耳目所及者不可得而悉書矣

五代史卷第五十九終

五代史卷第六十

職方考三

嗚呼自三代以上莫不分土而治也後世鑒古矯失始郡縣天下而自秦漢以來爲國孰與三代長短及其亡也未始不分至或無地以自存焉蓋得其要則雖萬國而治失其所守則雖一天下不能以容豈非一本於道德哉唐之盛時雖名天下爲十道而其勢未分旣其衰也置軍節度號爲方鎮鎮之大者連州十餘小者猶兼三四故其兵驕則逐帥帥彊則叛上土地爲其世有干戈起而相侵天下之勢自茲而分然唐自中世多故矣其興衰救難常倚鎮兵扶持而侵凌亂亡亦終以此豈其利害之理然歟自僖昭以來日益割裂梁初天下別爲十一南有吳浙荆湖閩漢西有岐蜀北有燕晉而朱氏所有七十八州以爲梁莊宗初起并代取幽滄有州三十五其後又取梁魏博等十有六州合五十一州以滅梁岐王稱臣又得其州七同光

破蜀已而復失。惟得秦鳳階成四州。而營平二州陷于契丹。其增置之州一。合一百二十三州。以為唐。石氏入立。獻十有六州于契丹。而得蜀金州。又增置之州一。合一百九州。以為晉。劉氏之初。秦鳳階成復入于蜀。隱帝時。增置之州一。合一百六州。以為漢。郭氏代漢。十州入于劉昺。世宗取秦鳳階成瀛漢及淮南十四州。又增置之州五。而廢者三。合一百一十八州。以為周。宋興因之。此中國之大略也。其餘外屬者。強弱相并。不常其得失。至于周末。閩已先亡。而在者七國。自江以下。二十一州。為南唐。自劍以南。及山南西道。四十六州。為蜀。自湖南北。十州。為楚。自浙東西。十三州。為吳越。自嶺南北。四十七州。為南漢。自大原以北。十州。為東漢。而荆歸峽三州。為南平。合中國所有。二百六十八州。而軍不在焉。唐之封疆遠矣。前史備載。而羈縻寄治。虛名之州。在其間。五代亂世。文字不完。而時有廢省。又或陷于夷狄。不可考究其詳。其可見者。具之如譜。

州	梁	唐	晉	漢	周
汴	都	有武	都	都	都
洛	都	都	都	都	都
雍	有平永	都	有昌晉	有	有興永
亮	有寧奉	有	有	有	有罷
沂	有	有	有	有	有
密	有	有	有	有	有
青	有盧平	有	有	有	有
淄	有	有	有	有	有
齊	有	有	有	有	有
棣	有	有	有	有	有
登	有	有	有	有	有
萊	有	有	有	有	有

許	蔡	陳	穎	單	亳	宋	濟	濮	曹	鄆	宿	徐
有國	有	有	有	有 <small>州輝</small>	有	有 <small>武宜</small>		有	有	有 <small>平天</small>	有	有 <small>寧武</small>
有武	有	有	有	有 <small>單改州日</small>	有	有 <small>德</small>		有	有	有	有	有
有	有	有 <small>安鎮</small>	有	有	有	有		有	有 <small>信威</small>	有	有	有
有	有	有 <small>慶軍</small>	有	有	有	有		有	有 <small>罷</small>	有	有	有
有	有	有 <small>復</small>	有	有	有	有	有 <small>太祖</small>	有	有 <small>信彰</small>	有	有	有

汝	鄭	滑	襄	均	房	金	鄧	隨	郢	唐	復	安
有	有	有 <small>宣義</small>	有 <small>初曰唐後復為山南東道</small>	有	有	有 <small>蜀武雄</small>	有 <small>宣化</small>	有	有	有	有	有 <small>宣威</small>
有	有	有 <small>義城</small>	有	有	有	有 <small>蜀威勝</small>	有 <small>罷軍</small>	有	有	有	有	有 <small>遠安</small>
有	有	有	有	有	有	有 <small>懷德</small>	有	有	有	有	有	有 <small>軍罷</small>
有	有	有	有	有	有	有	有	有	有	有	有	有 <small>復</small>
有	有	有	有	有	有	有	有	有	有	有	有	有 <small>罷</small>
有	有	有	有	有	有	有	有	有	有	有	有	有

甲	蒲	孟	懷	晉	絳	陝	號	華	商	同	耀	解
有	有 <small>國護</small>	有 <small>河陽</small>	有	有 <small>初曰定昌後曰建寧</small>	有	有 <small>國鎮</small>	有	有 <small>威化</small>	有	有 <small>武忠</small>	有 <small>岐勝義崇州</small>	
有	有	有	有	有 <small>建</small>	有	有 <small>義保</small>	有	有 <small>國鎮</small>	有	有 <small>匡</small>	有 <small>復曰耀州</small>	
有	有	有	有	有	有	有	有	有	有	有	有 <small>改順義</small>	
有	有	有	有	有	有	有	有	有	有	有 <small>高祖</small>	有	
有	有	有	有	有	有	有	有	有	有	有	有	
有	有	有	有	有	有	有	有	有	有	有	有	
有	有	有	有	有	有	有	有	有	有	有	有 <small>改曰</small>	
有	有	有	有	有	有	有	有	有	有	有	有 <small>環州</small>	

邠	寧	慶	衍	威	鄜	坊	丹	延	夏	銀	綏	宥
岐 <small>難靜</small>	岐	岐	岐	岐 <small>大保</small>	岐	岐	岐	岐 <small>忠義</small>	有 <small>定</small>	有	有	有
有	有	有	有	有	有	有	有	有 <small>彰武</small>	有	有	有	有
有	有	有	有	有	有	有	有	有	有	有	有	有
有	有	有	有	有	有	有	有	有	有	有	有	有
有	有	有	有	有	有	有	有	有	有	有	有	有
有	有	有	有	有	有	有	有	有	有	有	有	有
有	有	有	有	有	有	有	有	有	有	有	有	有
有	有	有	有	有	有	有	有	有	有	有	有	有

靈

有方朔

有

有

有

有

鹽

有

有

有

有

有

岐

岐鳳

有

有

有

有

隴

岐

有

有

有

有

涇

岐義彰

有

有

有

有

原

岐

有

有

有

有

渭

岐

有

有

有

有

武

岐

有

有

有

有

秦

岐武雄

有

有

蜀

有

城

岐蜀

有

有

蜀

有

階

岐蜀

有

有

蜀

有

鳳

岐李茂

有

有

蜀

有

乾

岐貞置

有

有

有

有

魏

有雄唐

有

有

有

有

博

有唐

有

有

有

有

貝

有唐

有

有

有

有

衛

有唐

有

有

有

有

澶

有唐

有

有

有

有

相

有昭德

有

有彰德

有

有

邢

有保義

有

有

有

有

洛

有

有

有

有

有

磁

有改思

有復磁

有

有

有

鎮

有武順

有

有順德

有

有

冀

有唐

有

有

有

有

深

有唐

有

有

有

有

趙

有唐

有

有

有

有

易 有唐 有 有 有

祁 有唐 有 有 有

定 有武義唐 有 有 有

滄 唐海橫 有 有 有

景 唐 有 有 有廢

德 唐 有 有 有

濱 有 有 有世宗

瀛 唐 有 契丹 契丹 有

莫 唐 有 契丹 契丹 有

雄 有 有世宗

霸 有 有世宗

幽 唐龍盧 有 契丹 契丹 有

涿 唐 有 契丹 契丹 有

檀 唐 有 契丹 契丹 有

薊 唐 有 契丹 契丹 有

順 唐 有 契丹 契丹 有

營 唐 有 契丹 契丹 有

平 唐 有 契丹 契丹 有

蔚 唐 有 契丹 契丹 有

朔 唐武振 有 契丹 契丹 有

雲 唐同大 有 契丹 契丹 有

應 唐 有 契丹 契丹 有

新 唐 有 契丹 契丹 有

媯 唐 有 契丹 契丹 有

儒 唐 有 契丹 契丹 有

武 唐 有 契丹 契丹 有

寰 有明宗置契丹 契丹 契丹

忻 唐 有 有 有 有 東漢

代 唐門 有 有 有 有 東漢

嵐 唐 有 有 有 有 東漢

石 唐 有 有 有 有 東漢

憲 唐 有 有 有 有 東漢

麟 唐 有 有 有 有 東漢

府 唐 有永安 有罷 有永安

并 唐東河 有北 有 有 東漢

汾 唐 有 有 有 有 東漢

慈 唐 有 有 有 有 有

濕 唐 有 有 有 有 有

澤 唐 有 有 有 有 有

潞 唐昭義 有昭義 有 有 有

沁 唐 有 有 有 有 東漢

遼 唐 有 有 有 有 東漢

楊 吳南淮 吳 南唐 南唐 有

楚 吳 吳 南唐 南唐 有

泗 吳 吳 南唐 南唐 有

滌 吳 吳 南唐 南唐 有

和 吳 吳 南唐 南唐 有

光 吳 吳 南唐 南唐 有

黃 吳 吳 南唐 南唐 有

舒 吳 吳 南唐 南唐 有

斬 吳 吳 南唐 南唐 有

廬 吳 吳 南唐 南唐 有保義

壽	吳 <small>正忠</small>	吳	南唐	南唐	有 <small>正忠</small>
海	吳	吳	南唐	南唐	有
秦	吳	吳	南唐	南唐	有
濠	吳	吳	南唐	南唐	有
通					有 <small>世宗</small>
潤	吳	吳	南唐	南唐	南唐
常	吳	吳	南唐	南唐	南唐
宣	吳 <small>國寧</small>	吳	南唐	南唐	南唐
歙	吳	吳	南唐	南唐	南唐
鄂	吳 <small>昌武</small>	吳	南唐	南唐	南唐
昇	吳	吳	南唐	南唐	南唐
池	吳	吳	南唐	南唐	南唐
饒	吳	吳	南唐	南唐	南唐

信	吳	吳	南唐	南唐	南唐
江	吳	吳	南唐	南唐	南唐
洪	吳 <small>鎮南</small>	吳	南唐	南唐	南唐
撫	吳	吳	南唐	南唐	南唐
袁	吳	吳	南唐	南唐	南唐
吉	吳	吳	南唐	南唐	南唐
虔	有吳	吳	南唐	南唐	南唐
筠			南唐 <small>李煜</small>	南唐	南唐
建	閩	閩	南唐	南唐	南唐
汀	閩	閩	南唐	南唐	南唐
劍			南唐 <small>李煜</small>	南唐	南唐
漳	閩	閩	南唐 <small>留從</small>	南唐 <small>留從</small>	南唐 <small>留從</small>
泉	閩	閩	南唐 <small>留從</small>	南唐 <small>留從</small>	南唐 <small>留從</small>

秀	睦	婺	衢	處	明	台	溫	湖	蘇	越	杭	福
吳越	吳越	吳越	吳越	吳越	吳越	吳越	吳越	吳越	吳越	吳越	吳越	閩 <small>武威</small>
吳越	吳越	吳越	吳越	吳越	吳越	吳越	吳越	吳越	吳越	吳越	吳越	閩
吳越 <small>元確置</small>	吳越	吳越	吳越	吳越	吳越	吳越	吳越 <small>海靜</small>	吳越	吳越	吳越	吳越	吳越
吳越	吳越	吳越	吳越	吳越	吳越	吳越	吳越	吳越 <small>宣德</small>	吳越	吳越	吳越	吳越

荆	歸	峽	益	漢	彭	蜀	綿	眉	嘉	劍	梓	遂
南平 <small>南荆</small>	蜀	蜀	蜀 <small>成都</small>	蜀	蜀	蜀	蜀	蜀	蜀	蜀	蜀 <small>劍南東川</small>	蜀 <small>武信</small>
南平	南平	南平	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀
南平	南平	南平	蜀	蜀	蜀	蜀	蜀	蜀	蜀	蜀	蜀	蜀
南平	南平	南平	蜀	蜀	蜀	蜀	蜀	蜀	蜀	蜀	蜀	蜀

文	茂	維	雅	黎	邛	簡	榮	資	陵	普	閬	果
蜀	蜀	蜀	蜀 <small>平永</small>	蜀	蜀	蜀	蜀	蜀	蜀	蜀	蜀	蜀
有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有 <small>保寧</small> 後蜀	有後蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀	蜀

瀘	渝	涪	通	開	利	興	萬	忠	夔	施	黔	龍
蜀	蜀	蜀	蜀	蜀	蜀 <small>武略</small>	蜀	蜀	蜀	蜀 <small>江鎮</small>	蜀	蜀 <small>武泰</small>	蜀
有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀	有後蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀	蜀
蜀	蜀	蜀	蜀	蜀	蜀	蜀	蜀	蜀	蜀	蜀	蜀	蜀

恩	封	康	瑞	邕	容	象	柳	富	嚴	蒙	梧	賀
南漢	南漢	南漢	南漢	南漢武建	南漢建寧	楚	楚	楚	楚	楚	楚	楚
南漢	南漢	南漢	南漢	南漢	南漢	楚	楚	楚	楚	楚	楚	楚
南漢	南漢	南漢	南漢	南漢	南漢	楚	楚	楚	楚	楚	楚	楚
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢

春	新	高	竇	雷	化	韶	藤	白	廉	欽	廣	橫
南漢	南漢	南漢	南漢	南漢	南漢	有西漢	南漢	南漢	南漢	南漢	南漢清海	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢
南漢	南漢	南漢	南漢	南漢	南漢	南漢	南漢	南漢	南漢	南漢	南漢	南漢

賓	南漢	南漢	南漢	南漢	南漢	南漢	南漢
潯	南漢	南漢	南漢	南漢	南漢	南漢	南漢
惠	南漢	南漢	南漢	南漢	南漢	南漢	南漢
鬱林	南漢	南漢	南漢	南漢	南漢	南漢	南漢
英	南漢	南漢	南漢	南漢	南漢	南漢	南漢
雄	南漢	南漢	南漢	南漢	南漢	南漢	南漢
瓊	南漢	南漢	南漢	南漢	南漢	南漢	南漢
崖	南漢	南漢	南漢	南漢	南漢	南漢	南漢
儋	南漢	南漢	南漢	南漢	南漢	南漢	南漢
萬安	南漢	南漢	南漢	南漢	南漢	南漢	南漢
羅	南漢	南漢	南漢	南漢	南漢	南漢	南漢
潘	南漢	南漢	南漢	南漢	南漢	南漢	南漢
勤	南漢	南漢	南漢	南漢	南漢	南漢	南漢

瀧 南漢 南漢 南漢 南漢 南漢 南漢 南漢

辨 南漢 南漢 南漢 南漢 南漢 南漢 南漢

汴州唐改曰宣武軍梁以汴州為開封府建為東都後唐滅梁復為宣武軍晉天福三年升為東京漢周因之

洛陽梁唐晉漢周常以為都唐故為東都梁為西都後唐為洛京晉為西京漢周因之

雍州唐故上都昭宗遷洛廢為佑國軍梁初改京兆府曰大安佑國

軍曰永平唐滅梁復為西京晉廢為晉昌軍漢改曰永興周因之

曹州故屬宣武軍節度晉開運二年置威信軍漢初軍廢周廣順二年復置彰信軍

宋州故屬宣武軍節度梁初徙置宣武軍唐滅梁改曰歸德

陳州故屬忠武軍節度晉開運二年置鎮安軍漢初軍廢周廣順二年復之

許州唐故曰忠武梁改曰匡國唐滅梁復曰忠武

滑州唐故曰義成以避梁王父諱改曰宣義唐滅梁復其故

襄州唐故曰山南東道唐梁之際改曰忠義軍後以延州為忠義襄州復曰山南東道

鄧州故屬山南東道節度梁破趙匡凝分鄧州置宣化軍唐改曰威勝周改曰武勝

安州梁置宣威軍唐改曰安遠晉罷漢復曰安遠周又罷

晉州故屬護國軍節度梁開平四年置定昌軍貞明三年改曰建寧唐改曰建雄

金州故屬山南東道節度唐末置戎昭軍已而廢之遂入于蜀至晉高祖時又置懷德軍尋罷

陝州唐故曰保義梁改曰鎮國後唐復曰保義

華州唐故曰鎮國梁改曰感化後唐復曰鎮國

同州唐故曰匡國梁改曰忠武後唐復曰匡國

耀州本華原縣唐末屬李茂貞建為耀州置義勝軍梁末帝時茂貞養子溫韜以州降梁梁改耀州為崇州義勝曰靜勝後唐復為耀州改曰順義

延州故屬保大軍節度梁置忠義軍唐改曰彰武

魏州唐故曰大名府置天雄軍五代皆因之後唐建鄴都晉漢因之至周罷大名府後唐曰興唐晉曰廣晉漢周復曰大名

澶州故屬天雄軍節度晉天福九年置鎮寧軍

相州故屬天雄軍節度梁末帝分置昭德軍而天雄軍亂遂入于晉莊宗滅梁復屬天雄晉高祖置彰德軍

邢州故屬昭義軍節度昭義所統澤潞邢洺磁五州唐末孟方立為

昭義軍節度使徙其軍額于邢州而澤潞二州入于晉方立但有邢洺磁三州故當唐末有兩昭義軍梁晉之爭或入于梁或入于晉梁

以邢洛磁三州爲保義軍莊宗滅梁改曰安國

鎮州故曰成德軍梁初以成音犯廟諱改曰武順唐復曰成德晉又

改曰順德漢復曰成德

應州故屬大同軍節度唐明宗卽位以其應州人也乃置彰國軍新

州唐同光元年置威塞軍

府州晉置永安軍漢罷之周復

并州後唐建北都其軍仍曰河東

潞州唐故曰昭義梁末帝時屬梁改曰匡義歲餘唐滅梁改曰安義

晉復曰昭義

盧州周世宗克淮南置保信軍

壽州唐故曰忠正南唐改曰清淮周世宗平淮南復曰忠正

五代之際外屬之州揚州曰淮南宣州曰寧國鄂州曰武昌洪州曰

鎮南福州曰武威杭州曰鎮海越州曰鎮東江陵府曰荆南益州梓

州曰劔南東西道遂州曰武信興元府曰山南西道洋州曰武定黔

州曰黔南潭州曰武安桂州曰靜江容州曰寧遠邕州曰建武廣州

曰清海皆唐故號更五代無所易而今因之者也其餘僭偽改置之

名不可悉考而不足道其因著于今者略注于譜

濟州周廣順二年置割鄆州之鉅野鄆城兗州之任城單州之金鄉

爲屬縣而治鉅野

單州唐末以宋州之碭山梁太祖鄉里也爲置輝州已而徙治單父

後唐滅梁改輝州爲單州其屬縣置徙傳記不明今領單父碭山成

武魚臺四縣

耀州李茂貞置治華原縣梁初改曰崇州唐同光元年復爲耀州

解州漢乾祐元年九月置割河中之聞喜安邑解三縣爲屬而治解

威州晉天福四年置割靈州之方渠寧州之木波烏嶺三鎮爲屬而

治方渠周廣順二年改曰環州顯德四年廢爲通遠軍五代置軍六皆寄治於縣

隸於州故不別出監者物務之名爾故不載於地理皇朝軍監始自置屬縣與州府並列矣

乾州李茂貞置治奉先縣

磁州梁改曰惠州唐復曰磁州

景州唐故置弓高周顯德二年廢為定遠軍割其屬安陵縣屬德州

廢弓高縣入東光縣為定遠軍治所

濱州周顯德三年置以其濱海為名初五代之際置榷鹽務於海傍

後為贍國軍周因置州割棣州之渤海蒲臺為屬縣而治渤海

雄州周顯德六年克瓦橋關置治歸義割易州之容城為屬尋廢

霸州周顯德六年克益津關置治永清割莫州之文安瀛州之大城

為屬

通州本海陵之東境南唐置靜海制置院周世宗克淮南升為靜海

軍後置通州分其地置靜海海門二縣為屬而治靜海

筠州南唐李景置割洪州之高安上高萬載清江四縣為屬而治高

安

劔州南唐李景置割建州之延平劔浦富沙三縣為屬而治延平

全州楚王馬希範置以潭州之湘川縣為清湘縣又割灌陽縣為屬

而治清湘

秀州吳越王錢元瓘置割杭州之嘉興縣為屬而治之

雄州南漢劉龔割韶州之保昌置治保昌

英州南漢劉龔割廣州之洺陽置治洺陽

開封府故統六縣梁開平元年割滑州之酸棗長垣鄭州之中牟陽

武宋州之襄邑曹州之考城更曰戴邑許州之扶溝陽陵陳州之太

康隸焉唐分酸棗中牟襄邑陽陵太康五縣還其故晉升汴州為東

京復割五縣隸焉

雍丘晉改曰杞漢復其故長垣唐改曰匡城

黎陽故屬滑州晉割隸衛州

葉襄城故屬許州唐割隸汝州

楚丘故屬單州梁割隸宋州

密州膠西故曰輔唐梁改曰安丘唐復其故晉改曰膠西

渭南故屬京兆周改隸華州

同官故屬京兆府梁割隸同州唐割隸耀州

美原故屬同州李茂貞置興州而治之梁改爲裕州屬順義軍節度

後不見其廢時唐同光三年割隸耀州

平涼故屬涇州唐末渭州陷吐蕃權於平涼置渭州而縣廢後唐清

泰三年以故平涼之安國羅武兩鎮置平涼縣屬涇州

臨涇故屬涇州唐末原州陷吐蕃權於臨涇置原州而涇州兼治其

民後唐清泰三年割隸原州

鄜州咸寧周廢

稷山故屬河中唐割隸絳州

件作

慈州作城呂香周廢

大名府大名唐故曰貴鄉後唐改曰廣晉漢改曰太名

滄州長蘆乾符周廢入清池無隸周置保順軍

安陵故屬景州周割隸德州

澶州頓丘晉置德清軍

博州武水周廢入聊城

博野故屬深州周割隸定州

武康故屬湖州梁割隸杭州

福州閩清梁乾化元年王審知於梅溪塲置

蘇州吳江梁開平三年錢鏐置

明州望海梁開平三年錢鏐置

處州長松故曰松陽梁改曰長松

潭州龍喜漢乾祐二年馬希範置

天長六合故屬揚州南唐以天長為軍六合為雄州周復故

漢陽故屬鄂州周置漢陽軍

汝州故屬沔州周割隸安州

襄州樂鄉周廢入宜城

鄧州臨湍漢改曰臨瀨菊潭向城周廢

復州竟陵晉改曰景陵

監利故屬復州梁割隸江陵

唐州慈丘周廢

商州乾元漢改曰乾祐割隸京兆

各南故屬華州周割隸商州

隨州唐城梁改曰漢東後唐復舊晉又改東漢漢復舊

雄勝軍本鳳州固鎮周置軍

秦州天水隴城唐末廢後唐復置

成州栗亭後唐置

自唐有方鎮而史官不錄於地理之書以謂方鎮兵戎之事非職方

所掌故也然而後世因習以軍目地而沒其州名若今永興本節度軍名而今命守臣

遂曰知永興軍府事而不言雍州京兆是也今又置軍者徒以虛名升建為州府之重此

不可以不書也州縣凡唐故而廢於五代若五代所置而見於今者

及縣之割隸今因之者皆宜列以備職方之考其餘嘗置而復廢嘗

改割而復舊者皆不足書山川物俗職方之掌也五代短世無所遷

變故亦不復錄而錄其方鎮軍名以與前史互見之云

五代史卷第六十終

五代史卷第六十一

吳世家一

嗚呼。自唐失其政。天下乘時黥髡盜販。袞冕我魏。吳暨南唐。姦豪竊攘。蜀險而富。漢險而貧。貧能自彊。富者先亾。閩陞荆楚。開蠻服剝。剝弗堪。吳越其尤。牢牲視人。嶺蠻遭劉。百年之間。並起爭雄。山川亦絕。風氣不通。語曰。清風興。羣陰伏。日月出。燭火息。故真人作而天下同。作十國世家。

唐乾符中

揚行密字化源。廬州合肥人也。為人長大有力。能手舉百斤。唐乾符

中。江淮羣盜起。行密以為盜。見獲。刺史鄭榮奇其狀貌。釋縛縱之。後

應募為州兵。戍朔方。遷隊長。歲滿戍還。而軍吏惡之。復使出戍。行密

將行。過軍吏舍。軍吏陽為好言。問行密行何所。欲行密奮然曰。惟少

公頭爾。即斬其首。攜之而出。因起兵為亂。自號八營都知兵馬使。刺

史郎。幼復弃城。走行密。遂據廬州。中和三年。唐即拜行密廬州刺史。

和手高

年中和三

五

代史

卷六十一

淮南節度使高駢為畢師鐸所攻駢表行密行軍司馬行密率兵數千赴之行至天長師鐸已囚駢召宣州秦彥入楊州行密不得入也于蜀岡師鐸率眾數萬出擊行密行密陽敗奔營走師鐸兵饑乘勝爭入營取軍實行密反兵擊之師鐸大敗單騎走入城遂殺高駢行密聞駢死縞軍向城哭三日攻其西門彥及師鐸奔于東塘行密遂入楊州是時城中倉廩空虛饑民相殺而食其夫婦父子自相牽就屠賣之屠者判別如羊豕行密不能守欲走而蔡州秦宗權遣其弟宗衡掠地淮南彥及師鐸還自東塘與宗衡合行密閉城不敢出已而宗衡為偏將孫儒所殺儒攻高郵破之行密益懼其客袁襲曰吾以新集之眾守空城而諸將多駢舊人非有厚恩素信必制而心服之也今儒兵方盛所攻必克此諸將持兩端因彊弱擇嚮背之時也海陵鎮使高霸駢之舊將必不為吾用行密乃以軍令召霸霸率其兵入廣陵行密欲使霸守天長襲曰吾以疑霸而召之其可復用乎

且吾能勝儒無所用霸不幸不勝天長豈吾有哉不如殺之以并其眾行密因擒軍擒駢族之得其兵數千已而孫儒殺秦彥畢師鐸并其兵以攻行密行密欲走海陵襲曰海陵難守而廬州吾舊治也城廩完實可為後圖行密乃走廬州久之未知所嚮問襲曰吾欲卷甲倍道西取洪州可乎襲曰鍾傳新得江西勢未可圖而秦彥之入廣陵也召池州刺史趙錕委以宣州今彥且死錕失所恃而守宣州非其本志且其為人非公敵此可取也行密乃引兵攻錕戰于曷山大敗之進圍宣州錕弃城走追及殺之行密遂入宣州龍紀元年唐昇州二年取滁和州景福元年取楚州孫儒自逐行密入廣陵久之亦不能守乃焚其城殺民老疾以餉軍驅其眾渡江號五十萬以攻行密諸將田頔劉威等遇之輒敗行密欲走銅官其客戴友規曰儒來氣銳而兵多益其鋒不可當而可以挫其眾不可敵而可久以敝之

龍紀元年
景福元年

乾寧二年

四年

五年

天復元年

若避而走是就擒也。劉威亦曰：背城堅柵，可以不戰疲之。行密以為然。久之，儒兵饑，又大疫，行密悉兵擊之，儒敗被擒，將死，仰顧見威曰：聞公為此策以敗我，使我有將如公者，其可敗邪？行密收儒餘兵數千，以皂衣蒙甲，號黑雲都，常以為親軍。是歲復入揚州，唐拜行密淮南節度使。乾寧二年，加檢校太傅、同中書門下平章事。行密以田頔守宣州，安仁義守潤州，昇州刺史馮弘鐸來降，分遣頔等攻掠自淮以南。江以東諸州皆下之。進攻蘇州，擒其刺史成及。四年，兖州朱瑾奔于行密，初瑾為梁所攻，求救于晉，晉遣李承嗣將勁騎數千助瑾，瑾敗，因與俱奔行密。行密兵皆江淮人，淮人輕弱，得瑾勁騎而益振。是歲，梁太祖遣葛從周、龐師古攻行密壽州，行密擊敗梁兵清口，殺師古，而從周收兵走，追至漣河，又大敗之。五年，錢鏐攻蘇州，及周本戰于白方湖，本敗。蘇州復入于越。天復元年，遣李神福攻越，戰臨安，大敗之，擒其將顧全武，以歸。二年，馮弘鐸叛襲宣州，及田頔戰于

如此
度不減
漢高
得不
雄一方
三年

曷山弘鐸敗將入于海，行密自至東塘，邀之，使人謂弘鐸曰：勝敗用兵常事也。一戰之衄，何苦自奔于海？鳴吾府雖小，猶足容君。弘鐸感泣，行密從十餘騎馳入其軍，以弘鐸歸為節度副使，以李神福代弘鐸為昇州刺史。是歲，唐昭宗在岐，遣江淮宣諭使李儼拜行密東面諸道行營都統，檢校太師、中書令，封吳王。三年，以李神福為鄂岳招討使，以攻杜洪，荆南成納救洪，神福敗之于君山。梁兵攻青州，王師範來求救，遣王茂章救之，大敗梁兵，殺朱友寧。梁太祖子也太祖大怒，自將以擊茂章，兵號二十萬，復為茂章所敗。田頔叛襲昇州，執李神福妻子歸于宣州。行密召神福，以討頔，頔遣其將王壇逆之。又遣神福書，以其妻子招之，神福曰：吾以一卒從吳王起事，今為大將，忍背德而顧妻子乎？立斬其使，以自絕。軍士聞之，皆感奮。行至吉陽磯，頔執神福子承鼎以招之，神福叱左右射之，遂敗。壇兵於吉陽行，密別遣臺濛擊頔，頔敗死。初，頔及安仁義、朱延壽等皆從行密起。

天復二年

微賤及江淮甫定思漸休息而三人者皆猛悍難制頗欲除之未有以發天復二年錢鏐為其將許再思等叛而圍之再思召顏攻鏐抗州垂克而行密納鏐賂命顏解兵顏恨之顏嘗計事廣陵行密諸將多就顏求賂而獄吏亦有所求顏怒曰吏欲我下獄邪歸而遂謀反仁義聞之亦反焚東塘以襲常州常州刺史李遇出戰望見仁義大罵之仁義止其軍曰李遇乃敢辱我如此其必有伏兵遂引軍却而伏兵果發追至夾岡仁義植幟解甲而食遇兵不敢追仁義復入潤州行密遣王茂章李德誠米志誠等圍之吳之軍中推朱瑾善槩志誠善射皆為第一而仁義常以射自負曰志誠之弓十不當瑾槩之一瑾槩之十不當仁義弓之一每與茂章等戰必命中而後發以此吳軍畏之不敢近行密亦欲招降之仁義猶豫未決茂章乘其怠穴地道而入執仁義斬于廣陵延壽者行密夫人朱氏之弟也顏及仁義之將叛也行密疑之乃陽為目疾每接延壽使者必錯亂其所見

天祐二年

以示之嘗行故觸柱而仆朱夫人扶之良久乃蘇泣曰吾業成而喪其目是天廢我也吾兒子皆不足以任事得延壽付之吾無恨矣夫人喜急召延壽延壽至行密迎之寢門刺殺之出朱夫人嫁之天祐二年遣劉存攻鄂州焚其城城中兵突圍而出諸將請急擊之存曰擊之復入則城愈固聽其去城可取也是日城破執杜洪斬于廣陵九月梁兵攻破襄州趙匡凝奔于行密十一月行密卒年五十四謚曰武忠子渥立溥僭號追尊行密為太祖武皇帝陵曰興陵

子渥

渥字承天行密長子也行密病出渥為宣州觀察使右衙指揮使徐溫私謂渥曰今王有疾而出嫡嗣必有姦臣之謀若他日召子非溫使者慎無應命渥涕泣謝溫而去行密病甚命判官周隱作符召渥隱慮渥幼弱不任事勸行密用舊將有威望者代主軍政乃薦大將劉威行密未許溫與嚴可求入問疾行密以隱議告之溫等大驚遽

行密卒
溥嗣

天祐三
年

梁太祖
代唐

詣隱所計事。隱未出而溫見隱作召符，猶在案上。急取遣之。溫見溫使者乃行。行密卒溥嗣立，召周隱罵曰：「汝欲賣吾國者，復何面目見揚氏乎？」遂殺之。以王茂章為宣州觀察使，溥之入也。多輦宣州庫物以歸廣陵。茂章惜而不與，溥怒，命李簡以兵五千圍之。茂章奔于錢塘。天祐三年二月，劉存取岳州。四月，江西鍾傳卒，其子匡時代立。傳養子延規怨不得立，以兵攻匡時。溥遣秦裴率兵攻之。九月，克洪州。執匡時及其司馬陳象以歸，斬象於市。赦匡時，以秦裴為江西制置使。梁太祖代唐改元，開平。溥仍稱天祐。鄂州劉存岳州陳知新以舟師伐楚，敗于瀏陽。楚人執存及知新以歸。楚王馬殷素聞其名，皆欲活之。存等大罵殷曰：「昔歲宣城脫吾刃下，今日之敗，乃天亡我，我肯事汝以求活耶？我豈負楊氏者？」殷知不可屈，乃殺之。岳州復入于楚。初，溥之入廣陵也，留帳下兵三千於宣州。以其腹心陳璠范遇將之。既入立，惡徐溫典牙兵，召璠等為東院馬軍，以自衛。而溫與左衛都

通篇叙
演見史

強臣備
位光景

不減遜
史

渥弟隆
演

指揮使張顥皆行密時舊將。又有立渥之功，共惡璠等侵其權。四年正月，渥視事。璠等侍側，溫顥擁牙兵入，拽璠等下斬之。渥不能止，由是失政而心憤，未能發。溫等益不自安。五年五月，溫顥共遣盜入寢中殺渥。渥說羣盜能反殺溫等者，皆為刺史。羣盜皆諾，惟紀祥不從。執渥縊殺之。時年二十二。謚曰景弟隆。演立，溥僭號，追尊渥為烈宗景皇帝。陵曰紹陵。

隆演字鴻源，行密第二子也。初名瀛，又名滑。初溫顥之弑渥也，約分其地以臣於梁。及渥死，顥欲背約自立。溫患之，問其客嚴可求。可求曰：「顥雖剛愎而闇於成事，此易為也。明日顥列劔戟府中，召諸將議事，自大將朱瑾而下皆去，衛從然後入。顥問諸將誰當立者，諸將莫敢對。顥三問可求，前密啓曰：「方今四境多虞，非公主之不可。然恐為之太速。且今外有劉威陶雅李簡李遇皆先王一等人也，公雖自立，未知此輩能降心以事公否。不若輔立幼主，漸以歲時待其歸心。」然

後可也。顥不能對。可求因趨出。書一教內袖中。率諸將入賀。諸將莫知所爲。及出。教宣之。乃渥母史氏教言。楊氏創業艱難。而嗣王不幸。隆演以次當立。告諸將以無負楊氏而善事之。辭旨激切。聞者感動。顥氣色皆沮。卒無能爲。隆演乃得立。顥由此與溫有隙。諷隆演出溫潤州。可求謂溫曰。今捨衙兵而出外郡。禍行至矣。溫患之。可求因說顥曰。公與徐溫同受顧託。議者謂公奪其衙兵。是將殺之於外。信乎。顥曰。事已行矣。安可止乎。可求曰。甚易也。明日從顥與諸將造溫。可求陽責溫曰。古人不忘一飯之恩。况公楊氏三世之將。今幼嗣新立。多事之時。乃求居外以苟安乎。溫亦陽謝曰。公等見留。不願去也。由是不行。行軍副使李承嗣與張顥善。覺可求有附溫意。諷顥使客夜刺殺之。客刺可求不能中。明日可求詣溫。謀先殺顥。陰遣鍾章選壯士三十人。就衙堂斬顥。因以弑渥之罪歸之。溫由是專政。隆演備位而已。六月。撫州危。全諷叛。攻洪州。袁州。彭彥章。吉州。彭玕。信州。危。仔

倡皆起兵叛。隆演召嚴可求問誰可用者。可求薦周本。時本方攻蘇州。敗歸。慚不肯出。可求彊起之。本曰。蘇州之敗。非怯也。乃上將權輕。而下多專命。爾若必見任。願無用偏裨。乃請兵七千。戰于象牙潭。敗之。執全諷。彥章。而玕奔于楚。仔倡奔于錢塘。全諷至廣陵。諸將議曰。昔先王攻趙錕。全諷屢饒給吳軍。乃釋不殺。初全諷欲舉兵也。錢鏐送王茂章于梁。道過全諷。謂曰。聞公欲大舉。願見公。兵以知濟否。全諷陣兵與茂章登城望之。茂章曰。我素事吳。吳兵二等。如公此衆。可當其下。將爾非得益兵十萬不可。而全諷卒以此敗。八年。徐溫領昇州刺史。治舟師於金陵。宣州李遇自行密時爲大將。勲位已高。憤溫用事。嘗曰。徐溫何人。吾猶未識。而驟至於此。溫聞之。怒遣柴再用。以兵送王壇。代遇。且召之。遇疑不受命。再用圍之。隆演使客將何蕘論。遇使自歸。蕘因說曰。公若欲反。可殺蕘以示衆。若本無心。何不隨蕘以出。遇自以無反心。乃隨蕘出。溫諷再用伺其出。殺之。并族其家。九

年溫率將吏進隆演位太師中書令吳王溫為行軍司馬鎮海軍節度使同中書門下平章事陳章攻楚取岳州執其刺史苑玫十年越人攻常州徐溫敗之於無錫梁遣王茂章攻壽春溫敗之于霍丘十二年封徐溫齊國公兩浙都招討使始鎮潤州置其子知訓為行軍副使秉政而大事溫遙決之冬濬楊林江水中出火可以燃十三年宿衛將李球馬謙挾隆演登樓取庫兵以誅知訓陣于門橋知訓與戰頻却朱瑾適自外來以一騎前視其陣曰此不足為也因返顧一麾外兵爭進遂斬球謙而亂兵皆潰十四年徐溫徙治金陵十五年遣王祺會洪袁信三州兵攻虔韶久之不克祺病以劉信代之夏四月副都統朱瑾殺徐知訓瑾自殺潤州徐知誥聞亂率兵入殺唐宜諭使李儼以止亂遂秉政徐氏之專政也隆演幼懦不能自持而知訓尤凌侮之嘗飲酒樓上命優人高貴卿侍酒知訓為參軍隆演鵝衣髻髻為蒼鶻知訓嘗使酒罵坐語侵隆演隆演愧耻涕泣而知訓

愈辱之左右扶隆演起去知訓殺吏一人乃止吳人皆仄目知訓又

知訓既

誅演宜

藉手朱

瑾一收

旁落未

必非東

吳中興

策也

隆演借

位即吳王

與朱瑾有隙瑾已殺知訓携其首馳府中示隆演曰今日為吳除患矣隆演曰此事非吾敢知遽起入內瑾忿然以首擊柱提劍而出府門已闔踰垣折其足遂自刎死米志誠聞瑾殺知訓被甲率其家兵至天興門問瑾所在聞瑾死乃還徐溫疑志誠助瑾遣使殺之嚴可求懼事不克使人偽從湖南境上來告軍捷召諸將入賀擒志誠斬之劉信克虔州執譚全播以歸十六年春二月溫率將吏請隆演即天子位不許夏四月溫奉玉冊寶綬尊隆演即吳王位建宗廟社稷設百官如天子之制改天祐十六年為武義元年大赦境內追尊行密孝武王廟號太祖渥景王廟號烈祖拜溫大丞相都督中外諸軍事封東海郡王以徐知誥為左僕射參知政事嚴可求為門下侍郎駱知祥為中書侍郎殷文圭沈顏為翰林學士盧擇為吏部尚書李宗陳璋為左右雄武統軍柴再用錢鏐為左右龍武統軍王令諫為

隆演借

位即吳王

隆演卒

隆演弟溥

內樞使江西劉信征南大將軍鄂州李簡鎮西大將軍撫州李德誠平南大將軍廬州張崇安西大將軍海州王綰鎮東大將軍文武以次進位封宗室皆郡公溫之徒鎮金陵也以其養子知誥守潤州嚴可求嘗謂溫曰二郎君非徐氏子而推賢下士人望頗歸若不去之恐為後患溫不能用其言及知誥秉政其語泄知誥出可求於楚州可求懼誚金陵見溫謀曰唐亾於今十二年而吳猶不敢改天祐可謂不負唐矣然吳所以征伐四方而建基業者常以復興為辭今聞河上之戰梁兵屢紕若李氏復興其能屈節乎宜於此時先建國以自立溫深然之因留可求不遣方謀迫隆演僭號二年五月隆演卒隆演少年嗣位權在徐氏及建國稱制非其意常怏怏酣飲稀復進食遂至疾卒年二十四諡曰宣弟溥立僭號追尊為高祖宣皇帝陵曰肅陵溥行密第四子也隆演建國封丹陽郡公隆演卒弟廬江公濠次當立而徐氏秉政不欲長君乃立溥七月改昇州大都督府為金陵府

後唐莊宗滅梁

莊宗崩

徐溫卒

溥僭尊

拜徐溫金陵尹明年二月改元順義赦境內冬十一月祀天於南郊御天興樓大赦拜徐溫太師嚴可求右僕射三年唐莊宗滅梁遣司農卿盧蘋使于唐嚴可求密條數事授之以行蘋見洛陽莊宗問之蘋次第以對皆如所授四年溥至白沙閣舟師徐溫來見以白沙為迎鑾鎮五年唐遣諫議大夫薛昭文使福州假道江西劉信出勞之謂曰亞次聞有信否昭文曰天子新有河南未熟公名也信曰漢有韓信吳有劉信君還其語亞次當來較射於淮上也乃酌大卮望牙旗鏡首百步謂昭文曰一發而中願以此卮為壽否則亦以自罰言訖而箭已穿矣六年追尊大丞相徐溫四代祖考立廟於金陵左僕射徐知誥為侍中右僕射嚴可求同平章事是歲莊宗崩五月丁卯詔為同光王輟朝七日七年大丞相徐溫率吳文武上表勸溥即皇帝位溥未許而溫病十月溫卒十一月庚戌溥御文明殿即皇帝位改元曰乾貞大赦境內追尊行密武皇帝渥景皇帝隆演宣皇帝以

冊封水

徐知誥為太尉兼侍中，拜溫子知詢輔國大將軍。金陵尹治溫舊鎮，諸子皆封王。二年正月，封東海為廣德王，江濱廣源王，淮濱長源王，馬當上水府寧江王，采石中水府定江王，金山下水府鎮江王。六月，荆南高季興來附，封李興、秦玉。九月，李興敗楚師於白田，獲其將吏三十四人來獻。三年十一月，金陵尹徐知詢來朝，知誥誣其有反狀，留之不遣，以為左統軍，斬其客將周廷望。以徐知諤為金陵尹，溥加尊號睿聖文明孝皇帝，大赦境內，改元太和。以徐知誥為中書令，二年冊其子江都王璉為太子。三年，以徐知誥為金陵尹，以其子景通為司徒及左僕射，王令謀、右僕射宋齊丘皆平章事。四年，封知誥東海王。五年，建都於金陵。六年閏正月，金陵火，罷建都，廢臨川王濛為歷陽公。知誥遣親信王宏以兵守之，拜王令謀司徒、宋齊丘司空。知誥召景通還金陵為鎮海軍節度副使，以其子景遷為太保、平章事，與令謀等執政。七年九月，溥加尊號曰睿聖文明光孝應天弘道廣

溥禪于齊王徐知誥 外元六年 國家賞末造受制於人致男女自匹偶亦宜古之奇禍也 顯德三年 徐溫附 叙得簡 淨

德皇帝大赦，改元天祚。知誥進位太師，天下兵馬大元帥，封齊王。二年，景遷病，以次子景遂為門下侍郎、參政事。三年，知誥建齊國立宗廟社稷，置左右丞相。已下，以金陵為西都，廣陵為東都。冬十月，溥遣江夏王麟奉冊禪位於齊王。十二月，溥卒於丹陽。年三十八，謚曰睿昇元。六年，李昇遷其子孫於海陵，號永寧宮，嚴兵守之，絕不通人。久而男女自為匹偶，吳人多哀憐之。顯德三年，世宗征淮南，下詔撫安楊氏子孫，而李昇聞之，遣人盡殺其族。周先鋒都部署劉重進得其玉硯、馬腦、椀、翡翠瓶，以獻。楊氏遂絕。

徐溫字敦美，海州朐山人也。少以販鹽為盜，行密起合肥，以隸帳下。行密所與起事劉城、陶雅之徒，號三十六英雄。獨溫未嘗有戰功。及行密欲殺朱延壽等，溫用其客嚴可求謀，教行密陽為目疾，事成以功遷右衙指揮使。始預謀議，及行密病，平生舊將皆以戰守在外，而溫居帳下，遂預立渥之功。及弒渥，又與張顥有隙，使鍾章殺之。章許

五
五
諾。選壯士三十人，椎牛享之，刺血爲盟。溫猶疑章不果，夜半使人探其意。陽謂曰：溫有老母，懼事不成，不如且止。章曰：言已出口，寧可已乎？溫乃安。明日，鍾章殺顯，溫因盡殺紀祥等，歸弒渥之罪於顯，以其事入白渥母史氏。史氏恸而泣曰：吾兒年幼，禍亂若此，得保百口以歸，合泚公之惠也。隆演立，溫遂專政，遷昇州刺史，治舟師於金陵。大將李遇怒溫用事，出嫚言，溫使柴再用、族遇於宣州，行密舊將人人皆自疑。溫因僞下之，恭謹如見行密。諸將乃安。八年，溫遷行軍司馬，潤州刺史，鎮海軍節度使，同平章事。十年，遣招討使李濤攻越，戰于臨安，裨將曹筠奔于越，濤敗，被執。溫間遣人語筠曰：吾用汝爲將，汝軍有求，吾不能給，是吾過也。赦筠，妻子不誅，厚遇之。秋，越人攻毘陵，溫戰于無錫，筠感溫前言，臨陣奔歸，遂敗越兵。十二年，封溫齊國公，兼兩浙招討使。始就鎮潤州，以昇、潤、宣、常、池、黃六州爲齊國。溫城昇州，建大都督府。十四年，徙治之，以其子知訓輔隆演於廣陵，而大事

隆演立

溫遙決之，知訓爲朱瑾所殺。溫養子知誥自潤州先入，遂得政。溫雖姦詐多疑，而善用將吏。江西劉信圍虔州久不克，使人說譚全播出降，遣使報溫。溫怒曰：信以十倍之衆，攻一城不下，而反用說客降之，何以威敵國？答其使者而遣之曰：吾以答信也。因命濟師，遂破全播。人有誣信逗留陰縱全播言信將反者，信聞之，因自獻捷至金陵。見溫，溫與信博，信斂散子，厲聲祝曰：劉信欲背吳，願爲惡彩，苟無二心，當成渾花。溫遽止之。一擲六子皆赤，溫慚，自以卮酒飲信，然終疑之。及唐師伐王衍，溫急召信至廣陵，以爲左統軍，託以內備，遂奪其地。溫客尤見信者，惟駱知祥。嚴可求可求善籌畫，知祥長於財利，溫嘗以軍旅問可求，國用問知祥。吳人謂之嚴駱，溫亦自喜爲智詐，尤得吳人之心。初，隨行密破趙鎰，諸將皆爭取金帛，溫獨據餘，困作粥以食餓者。十六年，溫請隆演卽皇帝位，不許，又請卽吳王位，乃許。遂建國改元，拜溫大丞相，都督中外諸軍事，封東海郡王。隆演卒，溫越次

立其弟溥順義十年溫又請溥即皇帝位溥未許而溫病卒年六十
六追封齊王諡曰忠武李昇僭號號溫為義祖

嗚呼盜亦有道信哉行密之書稱行密為人寬仁雅信能得士心其
將蔡儔叛于廬州悉毀行密墳墓及儔敗而諸將皆請毀其墓以報
之行密歎曰儔以此為惡吾豈復為邪嘗使從者張洪負劍而侍洪
拔劍擊行密不中洪死復用洪所善陳紹負劍不疑又嘗罵其將劉
信信忿奔孫儒行密戒左右勿追曰信豈負我者邪其醉而去醒必
復來明日果來行密起於盜賊其下皆驍武雄暴而樂為之用者以
此也故二世四王垂五十年及渥已下政在徐溫於此之時天下大
亂中國之禍篡弑相尋而徐氏父子區區詐力裴回三主不敢輕取
之何也豈其恩威亦有在人者歟

據吳錄運歷圖九國志皆云行密以唐景福元年
再入揚州至晉天福二年為李昇所篡實四十六
年而舊唐書舊五代史皆云大順二年入揚州至被篡四十七年吳錄徐鉉等撰運歷圖龍
穎撰二人皆江南故臣所記宜得實而唐未喪亂中朝文字多差失故今以鉉所記為定

五代史卷第六十一終

五代史卷第六十二

南唐世家二

李昇字正倫徐州人也世本微賤父榮遇唐末之亂不知其所終昇
少孤流寓濠泗間揚行密攻濠州得之奇其狀貌養以為子而楊氏
諸子不能容行密以乞徐溫乃冒姓徐氏名知誥及壯身長七尺廣
穎隆準為人溫厚有謀為吳樓船軍使以舟兵屯金陵柴再用攻宣
州用其兵殺李遇昇以功拜昇州刺史時江淮初定州縣吏多武夫
務賦斂為戰守昇獨好學接禮儒者能自勵為勤儉以寬仁為政民
稍譽之徐溫鎮潤州以昇池等六州為屬溫聞昇理昇州有善政往
視之見其府庫充實城壁修整乃徙治之而遷昇潤州刺史昇初不
欲往屢求宜州溫不與既而徐知訓為朱瑾所殺溫居金陵未及聞
昇居潤州近廣陵得先聞即日以州兵渡江定亂遂得政昇事徐溫
甚孝謹溫嘗罵其諸子不如昇諸子頗不能容而知訓尤甚嘗召昇

儼然江
淮保障

徐溫卒

飲酒伏劔士欲害之行酒吏刁彥能覺之酒至昇以手爪指之昇悟
起走乃免後昇自潤州入覲知訓與飲於山光寺又欲害之徐知諫
以其謀告昇昇起遯去知訓以劔授刁彥能使追殺之及於中塗而
還給以不及由是得免後昇貴以彥能為撫州節度使知訓之用事
也嘗凌弱楊氏而驕侮諸將遂以見殺及昇秉政欲收人心乃寬刑
法推恩信起延賓亭以待四方之士引宋齊丘賂知祥王令謀等為
謀客士有羈旅於吳者皆齒用之嘗陰使人察視民間有婚喪匱乏
者往往賙給之盛暑未嘗張蓋操扇左右進蓋必却之曰士衆尙多
暴露我何用此以故溫雖遙秉大政而吳人頽已歸昇武義元年拜
左僕射參知政事溫行軍司馬徐玠數勸溫以己子代昇溫遣子知
詢入廣陵謀代昇秉政會溫病卒知詢奔還金陵玠反為昇謀誣知
詢以罪斬其客將周廷望以知詢為右統軍楊溥僭號拜昇太尉中
書令太和二年出鎮金陵如溫之制留其子景通為司徒同平章事

封昇東
海郡王

昇封齊
王

吳主溥
禪偽位
于昇

以王令謀宋齊丘為左右僕射同平章事四年封昇東海郡王昇照
鑑見白髮顧其吏周宗嘆曰功業已就而吾老矣奈何宗知其意馳
詣廣陵見宋齊丘謀禪代齊丘以為未可請斬宗以謝吳人昇黜宗
為池州刺史吳臨江王濛者怨徐氏捨已而立溥心嘗不平及昇將
謀篡國先廢濛為歷陽公使吏以兵守之濛殺守者奔廬州節度使
周本本吳舊將也聞濛至欲納之為其子祚所止本曰此吾故主家
郎君也何忍拒之遽自出迎濛祚閉門遮本不得出縛濛送金陵見
殺五年昇封齊王已而閩越諸國皆遣使勸進昇謂人望已歸天祚
三年建齊國置宗廟社稷以宋齊丘徐玠為左右丞相十月溥遣攝
太尉楊璘傳位於昇國號齊改元昇元昇以冊尊溥曰受禪老臣知
詰謹上冊皇帝為高尙思玄弘古讓皇帝追尊徐溫為忠武皇帝封子景
奩王封子知證江王知諤饒王周本與諸將至金陵勸進歸而歎曰吾
不能誅篡國者以報楊氏今老矣豈能事二姓乎憤惋而死二年四

月遷楊溥於潤州丹陽宮以王與爲浙西節度使馬思讓爲丹陽宮
使以嚴兵守之徐氏諸子請昇復姓昇謙抑不敢念徐氏愆下其議
百官百官皆請然後復姓李氏改名曰昇自言唐憲宗子建王恪生
超超生志爲徐州判司志生榮乃自以爲建王四世孫改國號曰唐
立唐高祖太宗廟追尊四代祖恪爲孝靜皇帝廟號定宗曾祖超爲
孝平皇帝廟號成宗祖志孝安皇帝廟號惠宗考榮孝德皇帝廟號
慶宗奉徐溫爲義父徐氏子孫皆封王公女封郡縣主以門下侍郎
張居詠中書侍郎李建勳右僕射張延翰同平章事十一月以步騎
八萬講武於銅橋楊溥卒于丹陽宮溥子璉爲吳太子時昇以女妻
之及昇篡國封其女永興公主女聞人呼公主必悲咽流涕而辭宮
中皆憐之溥卒以璉爲康化軍節度使已而以疾卒三年四月昇郊
祀昊天上帝於圓丘禮畢羣臣請上尊號昇曰尊號非古也不許州
縣言民孝悌五代同居者七家皆表門閭復其繇役其尤盛者江州

故吳主
溥卒

陳氏宗族七百口每食設廣席長幼以次坐而共食有畜犬百餘其
一牢食一犬不至諸犬爲之不食四年六月晉安州節度使李金全
叛送款於昇昇遣諤州屯營使李承裕迎之承裕與晉將馬公節安
審暉戰安陸南三戰皆敗承裕與裨將段處恭皆死都監杜光鄴及
其兵五百人被執送于京師高祖厚賜之遣還昇致書高祖復送光
鄴等請以敗軍行法高祖又遣之昇以甲士臨淮拒之乃止六年吳
越國火焚其宮室府庫甲兵皆盡羣臣請乘其弊攻之昇不許遣使
手問厚贖其乏錢氏自吳時素爲敵國昇見天下亂久常厭用兵及
將篡國先與錢氏約和歸其所執將士錢氏亦歸吳敗將遂通好不
絕昇客馮延巳好論兵大言嘗謂昇曰田舍翁安能成大事而昇志
在守吳舊地而已無復經營之略也然吳人亦賴以休息七年昇卒
年五十六謚曰光文肅武孝高皇帝廟號烈祖陵曰永陵子景立
景初名景通昇長子也既立又改名璟徐溫死昇專政以爲兵部尚

子景

昇立
昇卒景

破殺妖
賊張遇
賢始末

書參知政事明年昇鎮金陵留景為司徒同平章事與宋齊丘王令
謀居廣陵輔楊溥昇將篡國召景歸金陵為副都統昇立封齊王昇
卒嗣立改元保大尊母宋氏為皇太后妃鍾氏為皇后封弟壽王景
遂為燕王宣城王景達為鄂王景邊前未王為保寧王秋改封景遂
齊王諸道兵馬元帥太尉中書令景達為燕王副元帥盟于昇柩前
約兄弟世世繼立封其子冀南昌王江都尹冬十月破虔州妖賊張
遇賢遇賢循州羅縣小吏也初有神降羅縣民家與人言禍福輒中
遇賢禱之神曰遇賢是羅漢可留事我是時南海劉龔死子玠初立
嶺南盜賊起羣盜千餘人未有所統問神當為主者神言遇賢遂共
推為帥遇賢自號中天八國王改元永樂置官屬羣賊盜皆絳衣攻
剽嶺外問神所嚮神曰當過嶺取虔州遂襲南康節度賈浩不能禦
遇賢據白雲洞造宮室有衆十餘萬連陷諸縣景遣洪州營屯虞候
嚴思通事舍人邊銅率兵攻之遇賢問神神不復語羣盜皆懼遂執

九華亦
捷徑

遇賢以降景以馮延巳常夢錫為翰林學士馮延魯為中書舍人陳
覺為樞密使魏岑查文徽為副使夢錫直宣政殿專掌密命而延巳
等皆以邪佞用事吳人謂之五鬼夢錫屢言五人者不可用景不納
十二月景下令中外庶政委齊王景遂參決惟陳覺查文徽得奏事
羣臣非召見者皆不得入給事中蕭儼上疏切諫不報侍衛軍都虞
候賈崇詣閣求見景曰臣事先朝三十年見先帝所以成功業者皆
用衆賢之謀故延接疎遠未嘗壅隔然下情猶時有不達者今陛下
新即位所信用者何人奈何頓與臣下隔絕臣老即死恐無復一見
顏色因泣下嗚咽景為之動容引與坐賜食而慰之遂寢所下令初
宋齊丘為昇謀篡楊氏最有力及事成乃陽入九華山昇屢招之乃
出昇僭號未幾齊丘以病罷相出為洪州節度使景立復召為相而
陳覺魏岑等皆為齊丘所引用而岑與覺有隙嘗於景左遷少府監齊
丘亦罷相為浙西節度使齊丘不得意願復歸九華山賜號九華先生封

青陽八食青陽一縣二年二月閩人連重遇朱文進弒其君王延義
文進自立是時延義弟延政亦自立於建州國號殷王氏兄弟連兵
累年閩大亂景因其亂遣查文徽及待詔臧循發兵攻建州延政聞
唐且攻之遣人給福州曰唐兵助我討賊矣福州信之共殺文進等
以降延政遣其從子繼昌守福州文徽軍屯建陽福州將李仁達殺
王繼昌自稱留後泉州將留從効亦殺其刺史黃紹頗皆送款於文
徽四年八月文徽乘勝克建汀泉漳四州景分延平劍浦富沙三縣
置劍州遷王延政之族於金陵以延政爲饒州節度使李仁達爲福
州節度使從効爲清源軍節度使景遂欲罷兵而查文徽陳覺等皆
言仁達等餘孽猶在不若乘勝盡取之陳覺自言可不用尺兵致仁
達等景以覺爲宣諭使召仁達朝金陵仁達不從覺慚還至建州矯
命發汀建信撫州兵攻仁達時魏岑安撫漳泉聞覺起兵亦擅發兵
會覺景大怒馮延巳等爲言兵業行不可止乃以王崇文爲招討使

王建封爲副使益兵以會之以延魯魏岑陳覺皆爲監軍使仁達送
款於吳越吳越以兵二萬應仁達覺等爭功進退不相應延魯與吳
越兵先戰大敗而走諸軍皆潰歸景怒遣使者鎖覺延魯至金陵而
馮延巳方爲宰相宋齊丘復自九華召爲太傅爲稍解之乃流覺斬
州延魯舒州韓熙載上書切諫請誅覺等齊丘惡之貶熙載和州司
馬是歲契丹陷京師中國無主而景方以覺等疲兵東南不暇北顧
御史中丞江文蔚劾奏宰相馮延巳諫議大夫魏岑亂政與覺等同
罪而不見貶黜言甚切直景大怒自答其疏貶文蔚江州司士參軍
亦罷延巳爲少傅岑爲太子洗馬五年以景遂爲太弟景達爲元帥
封齊王南昌王冀爲副元帥封燕王契丹遣使來聘以兵部尙書賈
潭報聘六年漢李守貞反河中遣其客將朱元來求援景以潤州節
度使李金全爲北面行營招撫使兵攻沐陽聞守貞已敗乃還是時
漢隱帝少中國衰弱淮北羣盜多送款於景景遣皇甫暉出海泗諸

吳縝曰馬希廣世家希廣也廣之兄也又曰職方攷中已具言之矣今此又書顯為重馮延巳以希廣失楚

州招納之八年福州詐言吳越戍兵亂殺李仁達而遞遣人請建州節度使查文徽文徽與劔州刺史陳誨下舟閩江趨應之福州以兵出迎誨曰閩人多詐難信宜駐江岸徐圖之文徽曰久則生變乘其未定亟取之留誨屯江口進至西門伏兵發文徽被擒誨與越人戰大敗之獲其將馬先進景送先進還越越亦歸景文徽是歲楚王馬希廣為其弟希萼所弑希萼自立九年秋楚人囚希萼於衡山立其弟希崇附於景楚國大亂景遣信州刺史邊鎬攻楚破潭州盡遷馬氏之族于金陵景以希萼為洪州節度使希崇舒州節度使以邊鎬為湖南節度使十年分洪州高安清江萬載上高四縣置筠州以馮延巳孫思為左右僕射同平章事廣州劉晟乘楚之亂取桂管景遣將軍張巒出兵爭之不克楚地新定其府庫空虛宰相馮延巳以克楚為功不欲取費於國乃重斂其民以給軍楚人皆怨而叛其將劉言攻邊鎬鎬不能守遞歸十一年金陵大火踰月十二年大饑民多

周師南征

疫死十三年十一月周師南征詔曰蠢爾淮甸敢拒大邦盜據一方僭稱偽號晉漢之代寰海未寧而乃招納叛囚朋助兇逆金全之據安陸守貞之叛河中大起師徒來為應援迫奪閩越塗炭湘潭至於應接慕容憑陵徐部沐陽之役曲直可知勾誘契丹人為邊患結連并壘實我世讐罪惡難名人神共憤乃拜李穀為行營都部署攻自壽州始是時宋齊丘為洪州節度使景召齊丘還金陵以劉彥貞為神武統軍劉仁瞻為清淮軍節度使以距周師李穀曰吾無水戰之具而使淮兵斷正陽浮橋則我背腹受敵乃焚其芻糧退屯正陽是時世宗親征行至圍鎮聞穀退軍曰吾軍却唐兵必追之遣李重進急趨正陽曰唐兵且至宜急擊之劉彥貞等聞穀退軍果以為怯急追之比及正陽而重進先至軍未及食而戰彥貞等遂敗彥貞之兵施种亦於拒馬維以鐵索及刻木為獸號捷馬牌以皮囊布鐵蒺藜于地周兵見而知其怯一鼓敗之世宗營于淝水之陽徙浮橋於下

蔡景遣林仁肇等爭之不得而周師取滁州景懼遣泗州牙將王知朗至徐州稱唐皇帝奉書願効貢賦陳兄事之禮世宗不答景東都副留守馮延魯光州刺史張紹舒州刺史周祚泰州刺史方訥皆奔城走延魯削髮爲僧爲周兵所獲蘄州裨將李福殺其刺史王承馬降周景益懼始改名璟以避周廟諱遣其翰林學士鍾謨文理院學士李德明奉表稱臣獻犒軍牛五百頭酒二千石金銀羅綺數千請割壽濠泗楚光海六州以求罷兵世宗不報分兵襲下楊秦景遣人懷蠟丸書走契丹求救爲邊將所執光州刺史張承翰降周十四年三月景又遣司空孫晟禮部尚書王崇質奉表辭益卑服世宗猶不答前遣鍾謨等并晟崇質皆留行在而謨等請歸取景表盡獻江北地世宗許之遣崇質德明等還始賜景書曰自有唐失御天步方艱六紀干茲瓜分鼎峙自爲聲教各擅蒸黎交結四夷憑陵上國華風不競否運所鍾凡百有心孰不興憤朕擅一百州之富庶握三十萬

李景失
之甲兵農戰交修士卒樂用苟不能恢復內地申畫邊疆便議班旋直同戲劇至於削去尊稱願輸臣節孫權事魏蕭譽奉周古也雖然今則不取但存帝號何爽歲寒儻堅事大之心必不迫人於險德明等還盛稱世宗英武景不悅宋齊丘陳覺等皆以割地無益而德明賣國以圖利景怒斬德明遣元帥齊王景達與陳覺邊錮許文鎮率兵趣壽春景達將朱元等復得舒蘄泰三州夏大雨周師在揚滁和者皆却諸將請要其險隘擊之宋齊丘曰擊之怨深不如縱之以爲德誠諸將閉壁無得要戰故周師皆集於壽州世宗屯於渦口欲再幸揚州宰相范質以師老泣諫乃班師以李重進攻廬壽向訓守揚州訓請奔揚州併力以攻壽春乃封府庫付主者遣景舊將按巡城中秋毫不犯而去淮人大悅皆負糗糧以送周師十五年景達遣朱元等屯紫金山築甬道以餉壽州二月世宗復南征徙下蔡浮橋于渦口爲鎮淮軍築一城以夾淮周師連破紫金諸寨景達雖爲元帥

將相不
和以卒
于敵也

而兵事皆決於陳覺覺與朱元素有隙以元素守貞容反覆難信景
遣大將楊守忠代元且召之元憤怒叛降于周諸軍皆潰許文顯邊
鎬皆被執景達以舟兵奔還金陵劉仁瞻病且死其副使孫羽等以
壽州降于周世宗班師景遣人焚揚州驅其士庶而去冬十月世宗
復南征遂圍濠州濠州刺史郭廷謂告于周曰臣不能守一州以拒
王師然願請命于唐而後降世宗爲之緩攻廷謂遣人請命于景景
許其降乃降又取泗州周師步騎數萬水陸齊進軍士作檀來之歌
聲聞數十里十二月屯於楚州之北門交泰元年正月大赦改元周
師攻楚州守將張彥卿鄭昭業城守甚堅攻四十日不可破世宗親
督兵以洞屋穴城而焚之城壞彥卿昭業戰死周兵怒甚殺戮殆盡
周師復取海泰揚州世宗幸迎鑾以臨大江景知不能支而恥自屈
身去其名號乃遣陳覺奉表請傳國與其世子而聽命初周師南征
無水戰之具已而屢敗景兵獲水戰卒乃造戰艦數百艘使降卒教

失其所
恃

之水戰命王環將以下淮景之水軍多敗長淮之舟皆爲周師所得
又造齊雲船數百艘世宗至楚州北神堰齊雲舟大不能過乃開老
鵲河以通之遂至大江景初自恃水戰以周兵非敵且未能至江及
覺奉使見舟師列于江次甚盛以爲自天而下乃請曰臣願還國取
景表盡獻江北諸州如約世宗許之始賜景書曰皇帝恭問江南國
主勞其良苦而已是時楊泰滁和壽濠泗楚光海等州已爲周得景
遂獻廬舒蘄黃畫江以爲界五月景下令去帝號稱國主奉周正朔
時顯德五年也初孫晟使于周留不遣而世宗問晟江南虛實不對
世宗怒殺晟周已罷兵景乃贈劉仁瞻太師追封晟魯國公世宗遣
鍾謨馮延魯歸國景復遣謨等朝京師手白書表稱天地父母之恩
不可報又請降詔書同藩鎮遣謨面陳願傳位世子世宗遣謨等還
國優詔以勞安之景以謨爲禮部侍郎延魯戶部侍郎景爲太子時
延魯等皆出入東宮禮部尙書常夢錫自昇世屢言不可使延魯等

近太子及景立延魯等用事。夢錫每排斥之。景既割地稱臣。有語及朝廷爲大朝者。夢錫大笑曰。君等嘗欲致君如堯舜。今日自爲小朝。邪。鍾謨素善李德明。既歸而聞德明由宋齊丘等見殺。欲報其冤。未能發。陳覺齊丘黨也。與景相嚴。續素有隙。覺常奉使。周還言世宗以江南不卽聽命者。嚴續之謀。勸景誅續以謝罪。景疑之。謨因請使于周。驗其事。景已割地稱臣。乃遣謨入朝謝罪。言不卽割地者。非續謀願赦之。世宗大驚曰。續能爲謀。是忠其主也。朕豈殺忠臣乎。謨還言覺姦詐。景怒。流覺饒州。殺之。宋齊丘坐覺黨。與放還青陽。賜死。以大弟景遂爲洪州節度使。燕王翼爲太子。景困於用兵。鍾謨請鑄大錢。以一當十。文曰。永通泉貨。謨嘗得罪而大錢廢。韓熙載又鑄鐵錢。以一當二。九月。太子翼卒。次子從嘉封吳王。居東宮。鍾謨言從嘉輕肆。請立紀國公從善。景怒。貶謨國子司業。立從嘉爲太子。世宗使人謂景曰。吾與江南大義已定。然慮後世不能容。汝可及吾世修城隍。泊

要害。爲子孫計。景因營緝諸城。謀遷其都于洪州。羣臣皆不欲。遷惟樞密使唐錦贊之。乃升洪州爲南昌。建南都。建隆二年。留太子從嘉監國。景遷于南都。而洪州迫隘。官府營解。皆不能容。羣臣日夕思歸。景悔怒不已。唐錦慚懼發疾卒。六月。景卒。年六十四。從嘉嗣立。以喪歸金陵。遣使入朝。願復景帝號。太祖皇帝許之。乃諡曰明道崇德文宣孝皇帝。廟號元宗。陵曰順陵。

子煜

景卒煜

煜字重光。初名從嘉。景第六子也。煜爲人仁孝。善屬文。工書畫。而豐額駢齒。一目重瞳子。自太子翼已上五子皆早亡。煜以次封吳王。建隆二年。景遷南都。立煜爲太子。留監國。景卒。煜嗣立於金陵。母鍾氏。父名秦章。煜尊母曰聖尊后。立妃周氏爲國后。封弟從善。韓王。從益。鄭玉。從謙。宜春王。從度。昭平郡公。從信。文陽郡公。大赦境內。遣中書侍郎馮延魯修貢于朝廷。令諸司四品已下無職事者。日二員待制於內殿。五年。泉州留從効卒。景之稱臣於周也。從効亦奉表貢獻于

五

七

卷六十二

九

錢法

京師世宗以景故不納從効聞景遷洪州懼以為襲已遣其子紹基納貢于金陵而從効病卒泉人因并送其族于金陵推立副使張漢思老不任事州人陳洪進逐之自稱留後煜即以洪進為節度使乾德二年始用鐵錢民間多藏匿舊錢舊錢益少商賈多以十鐵錢易一銅錢出境官不可禁煜因下令以一當十拜韓熙載中書侍郎勤政殿學士封長子仲遇清源公次子仲儀宣城公五年命兩省侍郎給事中中書舍人集賢勤政殿學士分入於光政殿宿直煜引與談論煜嘗以熙載盡忠能直言欲用為相而熙載後房妓妾數十人多出外舍私待賓客煜以此難之左授熙載右庶子分司南都熙載盡斥諸妓單車上道煜喜留之復其位已而諸妓稍稍復還煜曰吾無如之何矣是歲熙載卒煜歎曰吾終不得熙載為相也欲以平章事贈之問前世有此比否羣臣對曰昔劉穆之贈開府儀同三司遂贈熙載平章事熙載北海將家子也初與李穀相善明宗時熙載南奔

吳穀送至正陽酒酣臨訣熙載謂穀曰江左用吾為相當長驅以定中原穀曰中國用吾為相取江南如探囊中物爾及周師之征淮也命穀為將以取淮南而熙載不能有所為也開寶四年煜遣其弟韓王從善朝京師遂留不遣煜手疏求從善還國太祖皇帝不許煜嘗怏怏以國蹙為憂自與臣下酣宴愁思悲歌不已五年煜下令貶損制度下書稱教改中書門下省為左右內史府尚書省為司會府御史臺為司憲府翰林為文館樞密院為光政院諸王皆為國公以尊朝廷煜性驕侈好聲色又喜浮圖高談不恤政事六年內史舍人潘佑上書極諫煜收下獄佑自縊死七年太祖皇帝遣使召煜赴闕煜稱疾不行王師南征煜遣徐鉉周惟簡等奉表朝廷求緩師不答八年十二月王師克金陵九月煜俘至京師太祖赦之封煜違命侯拜左千牛衛將軍其後事具國史予世家江南其故老多能言李氏時事云太祖皇帝之出師南征也煜遣其臣徐鉉朝于京師鉉居江南

非諫失
刑太祖
宋煜南
召師南
宋煜南
煜見俘
至於京
師封

五

五代

卷六十二

十

以名臣自負其來也欲以口舌馳說存其國其日夜計謀思慮言語應對之際詳矣及其將見也大臣亦先入請言鉉博學有材辨宜有以待之太祖笑曰弟去非爾所知也明日鉉朝于延仰而言曰李煜無罪陛下師出無名太祖徐召之外使畢其說鉉曰煜以小事大如子事父夫有過失奈何見伐其說累數百言太祖曰爾謂父子者為兩家可乎鉉無以對而退嗚呼大哉何其言之簡也蓋王者之興天下必歸于一統其可來者來之不可者伐之僭偽假竊期于掃蕩一平而後已予讀周世宗征淮詔怪其區區攬撫前事務較曲直以為辭何其小也然世宗之英武有足喜者豈為其辭者之過歟

據湯挽所撰江南錄

云景以保大十五年正月改元交恭是歲盡獻淮南十四州畫江為界保大十五年乃周顯德四年也按五代舊史及世宗實錄顯德四年十月壬申世宗方復南征五年正月丙午始克楚州二月己亥景始盡獻淮南諸州畫江為界當是保大十六年也悅等南唐故臣記其目見之事何其差繆而九國志紀年通譜之類但悅書為正不復參較遂皆差一年至於景滅閩國是保大四年江南錄書於三年亦差一年已見閩書家注或疑景立踰年而改元則滅閩國當為三年周取淮南當為十五年不差但江南錄誤於景立之年改元保大所以常差一年也今知不然者以諸書參較閩人敘王延巖當晉開運元年周師始伐南唐當顯德二年據景以初立之年即改元則開運元年為保大二年顯德二年為保大十三年今江南錄書延巖被殺於二年周師始伐於十三年則是景立之年改元不誤而悅等書

滅王氏割淮南自各差二年爾昇自晉天福二年建國至皇朝開寶八年國滅凡二十九年

五代史卷第六十二終

五代史卷第六十三

前蜀世家二

王建字光圖許州舞陽人也為人隆眉廣額狀貌偉然少無賴以屠牛盜驢販私鹽為事里人謂之賊王八後為忠武軍卒稍遷隊將黃

黃巢陷長安唐僖宗在蜀

巢陷長安僖宗在蜀忠武軍將鹿晏弘以兵八千屬楊復光討賊巢敗走復光以其兵為八都都將千人建與晏弘皆為一都頭復光死

晏弘率八都西迎僖宗于蜀所過剽略行至興元逐節度使牛勣自稱留後僖宗即以晏弘為節度使晏弘以建等八都頭皆領屬州刺

史已而晏弘擁眾東歸陷陳許建與晉暉韓建張造李師泰等各率一都西奔於蜀僖宗得之大喜號隨駕五都以屬十軍觀軍容使田

令孜令孜以建等為養子僖宗還長安使建與晉暉等將神策軍宿衛光啓元年河中王重榮與令孜爭鹽池重榮召晉兵犯京師僖宗

幸鳳翔二年三月移幸興元以建為清道使使負玉璽以從行至當

光啓元年二年

塗驛李昌符焚棧道棧道幾斷建控僖宗馬首煙燄中過宿坂下僖宗枕建膝寢既覺涕泣解御衣賜之僖宗已至興元令夜以謂天子播越由已致之懼且得罪西川節度使陳敬瑄令夜同母弟也令夜因求為西川監軍楊復恭代為軍容使復恭出建為璧州刺史建乃招集凶命及溪洞夷落有衆八千以攻閬州執其刺史楊行遷又攻利州利州刺史王珙棄城走敬瑄患之以問令夜令夜曰王八吾兒也以一介召之可置麾下乃使人招建東川顧彥朗與建有舊建聞令夜召已大喜因至梓州謂彥朗曰十軍阿父召我我欲至成都見陳公以求一鎮即以其家屬託彥朗選精兵二千馳之成都行至鹿頭關敬瑄悔召建使人止之建大怒擊破鹿頭關取漢州彥朗聞之出兵助建軍於學射敬瑄遣將句惟立逆建建擊敗之遂攻彭州敬瑄遣眉州刺史山行章將兵五萬屯新繁建又擊敗之虜獲萬餘人橫屍四十里敬瑄發兵七萬益行章與建相持濠陽新都百餘日昭

文德元年

閬門一作

伏義執

宗遣左諫議大夫李洵為兩川宣諭和協使詔彥朗等罷兵彥朗請以大臣鎮蜀因為建求旌節文德元年六月以宰相韋昭度為西川節度使分印蜀黎雅為永平軍拜建節度使敬瑄不受代昭宗即命昭度將彥朗等兵討之昭宗以建為招討牙內都指揮使久之不克建為昭度曰公以數萬之衆困兩川之人而師久無功奈何且唐室多故東方諸鎮兵接都畿公當歸相天子靜中原以固根本此蠻夷之國不足以留公昭度遲疑未決建遣軍士擒昭度親吏於軍門脅而食之建入白曰軍士饑須此為食爾昭度大恐即留符節與建而東昭度已去建即以兵扼劔門兩川由是阻絕山行章屯廣都建擊敗之行章走眉州以州降建引兵攻成都而資簡戎茂嘉邛諸州皆殺刺史降建建攻成都甚急田令孜登城呼建曰老夫與公相厚何嫌而至此建曰軍容父子之恩心何可忘然兵討不受代者天子命也令孜夜入建軍以節度觀察牌印授建明日敬瑄開門迎建建將

大順二年

乾寧二年
三年
四年

入城以張勅為都虞候戒其軍士曰吾以張勅為虞候矣汝等無犯其令幸勅執而見我我尚活汝使其殺而後白吾亦不能詰也建入城軍士剽略勅殺百人而後止建遷敬瑄於雅州使人殺之復以令孜為監軍既而亦殺之大順二年十月唐以建為檢校司徒成都尹劍南西川節度副大使知節度事管內觀察處置雲南八國招撫等使東川顧彥朗卒其弟彥暉立唐遣宦者宗道弼賜彥暉東川旌節絳州刺史常厚執道弼以攻梓州建遣李簡王宗滌等討厚自彥朗死建欲圖并東川而未有以發及李簡等討厚戒曰兵已破厚彥暉必出犒師即與俱來無煩吾再舉也簡等擊厚敗之鍾陽厚走還絳州以唐旌節還道弼而出之彥暉已得節辭疾不出犒軍乾寧二年建遣王宗滌攻之十二月宗滌敗彥暉於楸林斬其將羅璋遂圍梓州三年五月昭宗遣宦者袁易簡詔建罷兵建收兵還成都黔南節度使王肇以其地降于建四年宗滌復攻東川別遣王宗侃宗阮等

天復元年

三年

出峽取渝瀘州五月建自將攻東川昭宗遣諫議大夫李洵判官韋莊宣諭兩川詔建罷兵建不奉詔乃責授建南州刺史以郗王為鳳翔節度使徙李茂貞代建為西川節度使茂貞拒命乃復建官爵冬十月建攻破梓州彥暉自殺彥暉將顧彥瑤顧城已危謂諸將吏曰事不當生死以之指其所佩寶鐵劍曰事急而有叛者當齒此劍及城將破彥瑤與彥暉召集將吏飲酒遂與之俱死建以王宗滌為東川留後唐即以宗滌為節度使於是并有兩川之地是時鳳翔李茂貞兼據梁洋秦隴數以兵侵建天復元年梁太祖兵誅宦者韓全誨等劫天子幸鳳翔梁兵圍之茂貞閉城距守經年力窘求與梁和建聞遣人聘茂貞許以出兵為援勸其堅壁勿和遣王宗滌將兵五萬聲言迎駕以攻興元執其節度使李繼業而武定節度使拓拔思敬遂以其地降於建於是并有山南西道是時荆南成汭死襄州趙匡凝遣其弟匡明襲據之建乘其間攻下夔施忠萬四州二年八月唐

四年

梁滅唐

建僭尊號

封建蜀王四年唐遷都洛陽改元天祐建與唐隔絕而不知故仍稱天復天復六年又取歸州於是共有二峽七年梁滅唐遣使者諭建建拒而不納建因馳檄四方會兵討梁四方知其非誠實皆不應是歲正月巨人見青城山六月鳳凰見萬歲縣黃龍見嘉陽江而諸州皆言甘露白鹿白雀龜龍之瑞秋九月己亥建乃即皇帝位封其諸子為王以王宗吉為中書令韋莊為左散騎常侍判中書門下事唐襲為樞密使鄭騫為御史中丞張格王鐸為翰林學士周博雅為成都尹蜀恃險而富當唐之末人士多欲依建以避亂建雖起盜賊而為人多智詐善待士故其僭號所用皆唐名臣世族莊見素之孫格濬之子也建謂其左右曰吾為神策軍將時宿衛禁中見天子夜召學士出入無間恩禮親厚如寮友非將相比也故建待格等恩禮尤異其餘宋玘等百餘人並見信用武成元年正月祀天南郊大赦改元以王宗佶為太師宗佶本姓甘氏建為忠武軍卒時掠得之養

以為子後以軍功累遷武信軍節度使後建所生子元懿等稍長宗佶以養子心不自安與鄭騫等謀求為大司馬總六軍開元帥府凡軍事便宜行而後聞建以宗佶創業功多優容之唐襲本以舞僮見幸於建宗佶尤易之後為樞密使猶名呼襲襲雖內恨而外奉宗佶愈謹建聞之怒曰宗佶名呼我樞密使是將反邪宗佶求大司馬章三上建以問襲襲因激怒建曰宗佶功臣其威望可以服人心陛下宜即與之建心益疑宗佶入奏事自請不已建叱衛士撲殺之并賜騫死六月以遂王宗懿為皇太子建加尊號英武睿聖皇帝七月騫虞見武定二年頒永昌曆廣都嘉禾合穗三年八月有龍五十見洵陽水中十月麟見壁州十二月大赦改明年為永平元年岐王李茂貞自為梁所圍而山南入于蜀地狹勢孤遂與建和以其子娶建女因求山南故地建怒不與以王宗侃為北路都統宗佑宗賀唐襲為三面招討使以攻岐戰于青泥宗侃敗績退保西縣為茂貞兵所圍

梁太祖

似非王者氣象

建自將擊之岐兵敗解去建至興元而還加尊號曰英武睿聖光孝皇帝二年又加號曰英武睿聖神功文德光孝皇帝初田令孜之為監軍也盜唐傳國璽至于蜀而埋之二月尚食使歐陽柔治令孜故第穿地而得之以獻五月梁遣光祿卿盧玘來聘推建為兄其印文曰大梁入蜀之印宰相張格曰唐故事奉使四夷其印文曰大唐入某國之印今梁以兄事陛下奈何卑我如夷狄建怒欲殺梁使者格曰此梁有司之過爾不可以絕兩國之權已而梁太祖崩建遣將作監李紘弔之遂刻其印文曰大蜀入梁之印劍州木連理六月麟見文州十二月黃龍見富義江三年正月麟見永泰五月騶虞見壁山有二鹿隨之秋七月皇太子元膺殺太子少保唐襲元膺建次子也初名宗懿後更名宗坦建得銅牌子于什仿有文二十餘字建以為符讖因取以名諸子故又更曰元膺元膺為人猴喙鰓齒多材藝能射錢中孔嘗自抱畫毬擲馬上馳而射之無不中年十七為皇太子

以一變人殺二骨肉間亦危

判六軍創天武神機營開永和府置官屬建以元膺年少任重以記事戒之令一切學朕所為則可以保國又命道士廣成先生杜光庭為之師唐襲建之嬖也元膺易之屢誣于朝建懼其交惡乃罷襲樞密出為興元節度使已而襲罷歸元膺廷疏其過失建益不悅是月七夕元膺召諸王大臣置酒而集王宗翰樞密使潘峭翰林學士毛文錫不至元膺怒曰集王不來峭與文錫教之耳明日元膺白建峭及文錫離間諸王建怒將罪之元膺出而襲入建以問之襲曰太子謀作亂欲召諸將諸王以兵錮之然後舉事爾建疑之襲請召屯營軍入衛元膺初不為備聞襲召兵以為誅已乃與伶人安悉杏軍將喻全殊率天武兵自衛遣人擒峭及文錫而笞之幽於其家召大將徐瑤常謙率兵出拒襲與襲戰神武門襲中流矢墜馬死建遣王宗賀以兵討之元膺兵敗皆潰去元膺匿躍龍池檻中明日出而丐食蜀人識之以告建遣宗翰招諭之宗翰未至為衛兵所殺建乃立其

矣哉

幼子鄭王宗衍為太子白龍見邛州江四年荆南高季昌侵蜀巫山
遣嘉王宗壽敗之子瞿塘八月殺黔南節度使王宗訓冬南蠻攻掠
界上建遣夔王宗範擊敗之於大渡河麟見昌州五年起壽昌殿於
龍興宮畫建像於壁又起扶天閣畫諸功臣像十一月大火焚其宮
室遣王宗儔等攻岐取其秦鳳階成四州至于大散關梁叛將劉知
俊在岐於是以其族來通正元年遣王宗綰等率兵十二萬出大散
關攻岐取隴州八月起文思殿以清資五品正員官購羣書以實之
以內樞密使毛文錫為文思殿大學士黃龍見大昌池十月大赦改
元十二月又改明年元曰天漢國號漢天漢元年殺劉知俊十二月
大赦改明年元曰光天復國號蜀光天元年六月建卒年七十二建
晚多內寵賢妃徐氏與妹淑妃皆以色進專房用事交結宦者唐文
展等于與外政建年老昏耄文展判六軍事無大小皆決文展及建
疾以兵入宿衛謀盡去建故將故將大臣聞建疾皆不得入見久之

右文之名五代亦嗜

建卒

子衍

宗弼等排闥入言文展欲為變乃殺之建因以謂老將大臣多許昌
故人必不為太子用思擇人未得而疾亟乃以宦者宋光嗣為樞密
使判六軍而建卒太子立去宗名衍

建卒衍立

衍字化源建十一子曰衛王宗仁簡王元膺趙王宗紀幽王宗輅韓
王宗智莒王宗特信王宗傑魯王宗鼎興王宗澤薛王宗平而鄭王
宗衍最幼其母徐賢妃也以母寵得立為皇太子開崇賢府置官屬
後更曰天策府衍為人方頤大口垂手過膝顧目見耳頗知學問能
為淨豔之詞元膺死建以幽王宗輅貌類已信王宗傑於諸子最材
賢欲於兩人擇立之而徐妃專寵建老昏耄妃與宦者唐文展教相
士言行相最貴又諷宰相張格贊成之衍由是得為太子建卒衍立
謚建曰神武聖文孝德明惠皇帝廟號高祖陵曰永陵建正室周氏
號昭聖皇后後建數日而卒行因尊其母徐氏為皇太后后妹淑妃
為皇太妃太后太妃以教令責官自刺史以下每一官闕必數人並

五代

史記卷六十三

六

官無定

爭而入錢多者得之通都大邑起邸店以奪民利行年少荒淫委其
政於宦者宋光嗣光祿景潤澄王承休歐陽晃田魯儔等而以韓昭
潘在迎顧在珣嚴旭等為狎客起宜華苑苑有重光太清延昌會真
之殿清和迎仙之宮降真蓬萊丹霞之亭飛鸞之閣瑞獸之門又作
怡神亭與諸狎客婦人日夜酣飲其中嘗以九日宴宜華苑嘉王宗
壽以社稷為言言發流涕韓昭等曰嘉王酒悲爾諸狎客共以慢言
諛嘲之坐上諠然行不能省也蜀人富而嘉邀當王氏晚年俗競為
小帽僅覆其頂俛首即墮謂之危腦帽行以為不祥禁之而行好戴
大帽每微服出游民間民間以大帽識之因令國中皆戴大帽又好
裹尖巾其狀如錐而後宮皆戴金蓮花冠衣道士服酒酣免冠其髻
鬢然更施朱粉號醉粧國中之人皆效之嘗與太后太妃游青城山
宮人衣服皆畫雲霞飄然望之若仙行自作甘州曲述其仙狀上下
山谷行常自歌而使宮人皆和之行立之明年改元乾德乾德元年

回天之
諫阻于
眾咻理
固然也

寫逸遊
如畫

後唐莊
宗滅梁
宦者亦
復有妻

正月祀元南郊大赦加尊號為聖德明孝皇帝二年冬北巡至于西
縣旌旗戈甲連亘百餘里其還也自閬州浮江而上龍舟畫舸照耀
江水所在供億人不堪命三年正月還成都五年起上清宮塑玉宇
晉像尊以為聖祖至道玉宸皇帝又塑建及衍像侍立於其左右又
於正殿塑玄元皇帝及唐諸帝備法駕而朝之六年以王承休為天
雄軍節度使天雄軍秦州也承休以宦者得幸為宣徽使承休妻嚴
氏有絕色行通之是時唐莊宗滅梁蜀人皆懼莊宗遣李嚴聘蜀衍
與俱朝上清而蜀都士庶簾帷珠翠夾道不絕嚴見其人物富盛而
行驕淫歸乃獻策伐蜀明年唐魏王繼岌郭崇韜伐蜀是歲衍改元
曰咸康衍自立歲常獵於子來山是歲又幸彭州陽平山漢州三學
山以王承休妻嚴氏故十月辛秦州羣臣切諫衍不聽行至梓潼大
風發屋拔木太史曰此貪狼風也當有敗軍殺將者衍不省行至縣
谷而唐師入其境衍懼遽還唐師所至州縣皆迎降衍留王宗弼守

縣谷遣王宗勳宗儼宗昱率兵以拒唐師宗勳等至三泉望風退走
衍詔宗弼誅宗勳等宗弼反與宗勳等合謀送款於唐師衍自縣谷
還至成都百官及後官迎謁七里亭衍雜宮人作回鶻隊以入明日
御文明殿與其羣臣相對涕泣而宗弼亦自縣谷馳歸登大玄門收
成都尹韓昭宦者宋光嗣景潤澄歐陽晃等殺之函首送于繼岌衍
即上表乞降宗弼遷衍於天啓宮魏王繼岌至成都衍君臣面縛與
襯出降于七里亭莊宗召衍入洛賜衍詔曰固當列土而封必不薄
人于險三辰在上一言不欺衍捧詔忻然就道率其宗族及偽宰相
王鐸張格庾傳素許寂翰林學士李昊等及諸將佐家族數千人以
東同光四年四月行至秦川驛莊宗用伶人景進計遣宦者向延嗣
誅其族衍母徐氏臨刑呼曰吾兒以一國迎降反以為戮信義俱棄
吾知其禍不旋踵矣衍妾劉氏鬢髮如雲而有色行刑者將免之劉
氏曰家國喪亡義不受辱遂就死宗弼本姓魏名弘夫建錄為養子

衍降于
後唐

同光四
年

建攻顧彥暉宗弼常以建語泄之彥暉者彥暉敗建待之如初建病
且卒宗弼守太師兼中書令判六軍輔政衍已降宗弼以蜀珍寶奉
魏王及郭崇韜求為西川節度使魏王曰此我家物也何用獻為居
數日為崇韜所殺宗壽許州民家子也建以同姓錄之為子宗壽好
學工琴奕為人恬退喜道家之術事建時為鎮江軍節度使衍既立
宗壽為太子太保奉朝請以煉丹養氣自娛衍為淫亂獨宗壽常切
諫之後為武信軍節度使唐師伐蜀所在迎降魏王常以書招之獨
宗壽不降聞衍已銜璧大慟從衍東遷至岐陽以賄賂守者得入見
衍行泣下露襟曰早從王言豈有今日衍死宗壽至澠池聞莊宗遇
弒入熊耳山天成二年出詣京師上書求衍宗族葬之明宗嘉其
忠以為保義軍行軍司馬封衍順正公許以諸侯禮葬宗壽得王氏
十八喪葬之長安南二趙村

天成
年

前蜀
一

五


嗚呼自秦漢以來學者多言祥瑞雖有善辯之士不能祛其惑也予

讀蜀書至於龜龍麟鳳騶虞之類世所謂王者之嘉瑞莫不畢出於其國異哉然考王氏之所以興亡成敗者可以知之矣或以爲一王氏不足以當之則視時天下治亂可以知之矣龍之爲物也以不見爲神以升雲行天爲得志今偃然暴露其形是不神也不上于天而下見於水中是失職也然其一何多歟可以爲妖矣鳳凰鳥之遠人者也昔舜治天下政成而民悅命夔作樂樂聲和鳥獸聞之皆鼓舞當是之時鳳凰適至舜之史因并記以爲美後世因以鳳來爲有道之應其後鳳凰數至或出於庸君繆政之時或出於危亡大亂之際是果爲瑞哉麟獸之遠人者也昔魯哀公出獵得之而不識蓋索而獲之非其自出也故孔子書於春秋曰西狩獲麟者譏之也西狩非其遠也獲麟惡其盡取也狩必書地而哀公馳騁所涉地多不可徧以名舉故書西以包衆地謂其舉國之西皆至也麟人罕識之獸也以見公之窮山竭澤而盡取至於不識之獸皆搜索而獲之故曰譏

破千古
華媚之
惑

之也聖人已沒而異端之說興乃以麟爲王者之瑞而附以符命緘緯詭怪之言鳳嘗出於舜以爲瑞猶有說也及其後出於亂世則可以知其非瑞矣若麟者前有治世如堯舜禹湯文武周公之世未嘗一出其一出而當亂世然則孰知其爲瑞哉龜玄物也污泥川澤不可勝數其死而貴於卜官者用適有宜爾而戴氏禮以其在宮沼爲王者難致之瑞戴禮雜出於諸家其失亦以多矣騶虞吾不知其何物也詩曰吁嗟乎騶虞賈誼以爲騶者文王之囿虞虞官也當誼之時其說如此然則以之爲獸者其出於近世之說乎夫破人之惑者難與爭於篤信之時待其有所疑焉然後從而攻之可也麟鳳龜龍王者之瑞而出於五代之際又皆萃於蜀此雖好爲祥瑞之說者亦可疑也因其可疑者而攻之庶幾惑者有以思焉

據前蜀書運曆圖九國志
皆云建以唐大順二年
成都爲西川節度使天復七年九月建號明年正月改元武成今以爲定惟舊五代史云龍紀元年入
成都天祐五年建號改元者繆也至後唐同光三年蜀滅則諸書皆同自大順二年至同光三年凡三
年十五



#3-1
700